

四庫全書

子部

欽定四庫全書

子部
證類本草卷九

詳校官太醫院恩糧_臣孔毓秀

編修_臣倉聖脈覆勘

總校官編修_臣王燕緒

校對官待詔_臣胡士震

謄錄監生_臣朱恩

繪圖監生_臣戴禹伋

欽定四庫全書

證類本草卷九

宋 唐慎微 撰

草部中品之下總七十八種

一十四種神農本草經白字

一十三種名醫別錄墨字

一十二種唐本先附注云唐附

二十二種今附皆醫家嘗用有效注云今附

四種新補

二種新定

一種新分條

一十種陳藏器餘

凡墨蓋子已下並唐慎微續證類

艾葉

實續注

惡實

牛蒡葉續注

水萍

王瓜

地榆

大小薊

海藻

石帆水松石髮瓦松續注

澤蘭

昆布

紫菜續注

防己

木防己續注

天麻

今附

阿魏

唐附

高良薑

百部根

懷香子

亦名茴香唐附

款冬花

紅藍花

紅花也今附

牡丹

京三稜

今附雞瓜三稜等附

薑黃

唐附藥附

萆撥

根續注今附

藟醬

音鉅唐附

羅摩子

唐附

青黛

今附

鬱金

唐附

盧會

今附

馬先蒿

延胡索

今附

肉豆蔻

今附

補骨脂

今附

零陵香

今附

縮沙蜜今附

蓬莪茂今律切附

積雪草運錢附

白前

薺芫

白藥唐附

葶草

莎草振即香附子也水香稜附

萆澄茄今附

胡黃連今附

船底苔新補

紅豆蔻今附

蔣蘿今附

艾納香今附

甘松香今附

垣衣地衣續注

陟釐音禹

鳧葵菴菜也唐附

女苑

王孫

上馬駿新定

蜀羊泉

菟葵唐附

辭草

唐附

鱧腸

蓮子草也唐附

爵牀

今名香蘇

井中苔萍

藍附

茅香花

白茅香花續注今附

馬蘭

新補山蘭附

使君子

今附

乾苔

新補

百脈根

唐附

白豆蔻

今附

地笋

新補

海帶

新定

陀得花

今附

翦草

元附白藥條下今分條

一十種陳藏器餘

迷迭

故魚網

故繳脚布

江中採出蘆

虱建草

含生草


菟肝草

石芒

蠶網草

問荊

明州艾葉



艾葉味苦微溫無毒主灸百病可作煎止下痢吐血下部
腫瘡婦人漏血利陰氣生肌肉辟風寒使人有子一

名冰臺一名醫草生田野三月三日採暴乾作煎勿令

見風

陶隱居云搗葉以灸有病亦止傷血汁又殺蛇蟲
苦酒煎葉療癰甚良唐本注云別錄云艾生寒熟

熱主下血衄血膿血痢水黃及九散任用臣禹錫等謹
按藥性論云艾葉使能止崩血安胎止腹痛醋煎作煎
治癰止赤白痢及五藏痔瀉血煎葉主吐血實主明目
療一切鬼氣初生取作乾菜食之又除鬼氣炒艾作餽
飽吞三五枚以飯壓之良長服止冷痢又心腹惡氣取
葉搗汁飲又搗末和乾薑末為丸一服三十丸飯壓日
再服治一切冷氣鬼邪毒氣最去惡氣孟詵云艾實與
乾薑為末蜜丸消一切冷氣田野人尤與相當日華子

云止霍亂轉筋治心痛鼻洪并帶下及患痢人後分寒熱急痛和蠟并訂子燒熏神驗艾實暖無毒壯陽助水

藏腰膝及暖子宮

圖經曰

艾葉舊不著所出州土但云生田野今處處有之以複道者為佳云此種灸百病尤勝初春布

地生苗莖類蒿而葉皆白以苗短者為佳三月三日五月五日採葉暴乾經陳久方可用俗間亦生蒿葉取汁飲止心腹惡氣古方亦用熟艾榻金瘡又中風掣痛不仁不隨並以乾艾解許採團之內瓦甑中並下塞諸孔獨留一目以痛處著甑目下燒艾一時久知矣又治癰取乾艾隨多少以浸麴釀酒如常法飲之覺痺即差近世亦有單服艾者或用蒸木瓜丸之或作湯空腹飲之甚補虛羸然亦有毒其毒發則熱氣衝上狂躁不能禁至攻眼有瘡出血者誠不可妄服也

食療云

乾者并煎者金瘡崩中霍亂止胎漏春初採為乾餅子入生薑煎服止瀉痢三月三日可

採作煎甚治冷若患冷氣取熟艾麴裹作餅飢飽可大如彈許又治百惡氣取其子和乾薑搗作末蜜丸如梧子大空心三十九服以飯三五匙壓之日再服其鬼神速走出頗消一切冷血田野之人與此方相宜也又產後瀉血不止取乾艾葉半兩灸癭老生薑半兩濃煎湯一服便止妙

外臺秘要

治霍亂吐下不止艾一把水三升煮取一升頓服

又方

治諸骨哽生艾蒿數升水酒共一斗煮取四升稍飲之良

肘後方

鬼擊之病得之無漸卒著人如刀刺狀背脇腹內疔刺切痛不可抑按或即吐血鼻中出血下

血一名鬼排以熟艾如雞子三枚水五升煎取二升頓服之

又方

治卒心痛白熱艾成熟者一升以水三升煮取一升去滓頓服若為客氣所中者當吐蟲物

又方

治傷寒及時氣溫病頭痛壯熱脈盛乾艾葉三升以水一斗煮取一升去滓頓服取汁

又方

治病人齒無色舌上白或喜睡不知痛痺處或下痢急治下部不曉此者但攻其上不以為意下部

生蟲食其肚爛見五藏便死燒艾於管中熏下部令煙入更入少雄黃良

葛氏方

治蛇蟲或心如刺口吐清水搗生艾取汁宿勿食但取肥香脯一方寸片先喫令蟲聞香然後

即飲一汁
當下蛇

又方

妊娠卒胎動不安或但腰痛或胎轉捨心或下血不止艾葉一雞子大以酒四升煮取二升分為二服良

經驗方

治喉痺青艾和莖葉一握用醋搗傳痺上若冬月取乾艾亦得李亞傳

又方

王峽州傳野雞痔病方用槐柳湯洗便以艾炙其上七壯以知為度王父郎中充西川安撫判官乘

騾入洛谷數日而痔病因是大作如胡荽貫於腸頭其熱如糖煨火至一驛僵仆無計有主郵者云須灸即差及命所使為槐柳湯熱洗荽上因用艾灸三五壯忽覺一道熱氣盛入腸中因大轉瀉鮮血穢物一時出至楚痛瀉後遂失胡荽所在

孫真人

糞後有血濃煎艾葉生薑汁三合服

斗門方

治火眼用艾燒令煙起以碗蓋之候煙上碗成煤取下用溫水調化洗火眼即差更入黃連甚妙

又方

治癰瘤用艾於陰囊下穀道正門當中間隨年歲灸之

勝金方

治中風口喎以葦筒子長五寸一頭刺於耳內四面以麝密封塞不透風一頭以艾灸之七壯

患右灸左患左
右耳痛亦灸得

初虞世

治婦人崩中連日不止熱艾難子大阿膠炒為末半兩乾薑一錢剉石以水五盞先煮艾薑至

二錢半入膠消揚溫分
三服空腹服一日盡

兵部手集

治發背頭未成瘡及諸熱腫以濕紙搨上先乾處是熱氣衝上欲作瘡子便灸之如先疼

痛灸即不痛
即以鼎為度

錢相公篋中方

治誤吞錢取艾蒿一把細剉用水五升煎取一升頓服便下

傷寒類要

治婦人妊娠七月若傷寒壯熱赤斑變為黑斑溺血用艾葉如雞子大酒三升煮取一升

半分為
二服

又方

蜜蝨蝕下部以泥作甕以竹筒如指大一頭坐甕缸中一頭內下部孔中以雞子大艾一團燒之以

泥作甕口次之常令艾煙熏下部強人可益久良

子母秘錄

胎動上迫心痛取艾葉如雞子大以頭醋四升煎取二升分溫服

又方

治倒產子死腹中艾葉半斤酒四升煮取一升服

又方

小兒黃爛瘡燒艾葉灰傳上

荆楚歲時記

端午四民踏百草採艾以為人懸之戶上除毒氣又宗士炳之孫常以端午日雞未鳴時

採似人者縛用灸有驗

衍義曰

艾葉乾搗篩去青滓取白入石硫黃為硫黃艾灸家用得米粉少許可擣為末入服食藥入硫黃奇效

蜀州惡實



惡實味辛平主明目補中除風傷根莖療傷寒寒熱汗
出中風面腫消渴熱中逐水久服輕身耐老生魯山平

澤

陶隱居云方藥不復用唐本注云魯山在鄧州東北
其草葉大如芋子殼似栗狀實細長如茺蔚子根主

牙齒疼痛勞瘧脚緩弱風毒癰疽欬嗽傷肺肺壅痼疾
積血主諸風癰疽冷氣吞一杖出癰疽頭別錄名牛蒡
一名鼠黏草今按陳藏器本草云惡實根蒸暴乾不爾
令人欲吐浸酒去風又主惡瘡子名鼠黏上有芒能緩
鼠味苦主風毒腫諸癰疽根可作茹食之葉亦搗傅杖瘡
不膿辟風臣禹錫等謹按藥性論云牛蒡亦可單用味
甘無毒能主面目煩悶四肢不健通十二經脈洗五藏
惡氣可常作菜食之令人身輕子研末投酒中浸三日
每日服三二盞任性飲多少除諸風去丹石毒主明目
利腰脚又食前吞二枚熱接下散諸結節筋骨煩熱毒

又根細切如豆麪拌作飲食之消脹壅又莖葉煮汁釀酒良又取汁夏月多浴去皮間習習如蟲行風洗了慎風少時又能搗一切腫毒用根葉入少許鹽花搗

圖經曰

惡實即牛蒡子也生魯山平澤今處處有之葉如芋而長實似葡萄核而褐色外殼如栗葉小

而多刺鼠過之則綴惹不可脫故謂之鼠黏子亦如羊負來之比根有極大者作菜茹尤益人秋後採子入藥用根葉亦可以搗入少鹽花以搗腫毒又冬月採根蒸暴之入藥劉禹錫傳信方療暴中風用緊細牛蒡根取時須避風以竹刀或荊刀刮去土用生布拭了搗紙取汁一大升和灼然好蜜四大合溫分為兩服每服相去五六里初服得汗汗出便差此方行之岳鄂鄴中丞鄭頊年至潁陽因食一頓熱肉便中暴風外主盧氏為潁陽尉有北方當時便服得汗隨差神效又選中方風頭及手掣痛不可禁者摩膏之主取牛蒡莖葉搗取濃汁

一升合無灰酒一升鹽花一匙頭塘火煎令稠成膏以
摩痛處風毒散自止亦主時行頭痛摩時須極力令作
熱乃速效冬月無
苗用根代之亦可

雷公云

凡使採之淨揀勿令有雜穢然後用酒拌蒸
待上有薄白霜重出却用布拭上然後焙乾

別擣如
粉用

食療云

根作脯食之良熱毒腫擣根及葉封之杖瘡金
瘡取葉貼之永不畏風又癰緩及丹石風毒石

熱發毒明耳目利腰膝則取其子末之投酒中浸經三
日每日飲三兩蓋隨性多少欲散支節筋骨煩熱毒則
食前取子三十粒熟按吞之十服後甚良細切根如小
豆大伴麴作飴羹食尤良又皮毛間習習如蟲行羹根
汁浴之夏浴慎風却入其子炒
過末之如茶煎三匕通利小便

聖惠方

治時氣餘熱不退煩躁發渴四肢無力不能飲食用根搗絞取汁不計時候服一小盞效

外臺秘要

治喉痺牛蒡子六分馬薊子八分搗為散每空心暖水服方寸匕漸加至一匕半日再服

經驗方

治風熱閉塞咽喉通身浮腫以牛蒡子一合半生半熟拌為末熟酒調下壹錢匕立差

孫真人食忌

主天行以生牛蒡根搗取汁五大合空心服分為兩服服訖取桑葉一大把炙令黃水

一升煮取五合去滓頓服暖覆取汗無葉用枝

食醫心鏡

治熱攻心煩躁恍惚以牛蒡根搗汁一升食後分為三服良

斗門方

治頭面忽腫熱毒風內攻或手足頭面赤腫觸著痛用牛蒡子根一名蝙蝠刺洗淨爛研酒煎

成膏攤在紙上貼腫處仍熱酒調下一服腫止痛減

王氏博濟

治瘡癰將出以牛蒡子炒令熟杵為末每服一錢入荊芥二穗水一盞同煎至七分放溫

服如瘡癰已出更服亦妙

初虞世


治皮膚風熱遍身生癰瘡牛蒡子浮萍等分以薄荷湯調下二錢日二服

衍義曰

惡實子是也今謂之牛蒡未去萼時又謂之鼠黏子根謂之牛蒡疎風壅延垂多咽膈不利微

炒同入荊芥穗各一兩甘草炙半兩同為末食後夜卧湯點二錢服當緩取效子在萼中萼上有細鈎多至百十謂之芒則誤矣根長一二尺麓如拇指黃爛為菜

萍水



水萍味辛酸寒無毒主暴熱身痒下水釀酒長鬚髮注

消渴下氣以沐浴生毛髮久服輕身一名水花一名水

白一名水鮮生雷澤池澤三月採暴乾

陶隱居云此是水中大萍爾非

今浮萍子藥錄云五月有花白色即非今溝渠所生者楚王渡江所得有斯實也唐本注云水萍者有三種大者名蘋水中又有苻菜亦相似而葉圓水上小浮萍主火瘡今按陳藏器本草云水萍有三種大者曰蘋葉圓闊寸許葉下有一點如水沫一名苳菜暴乾與括樓等分以人乳為丸主消渴搗絞取汁飲主蛇咬毒入腹亦可傳熱瘡小萍子是溝渠間者未傳面野搗汁服之主水腫利小便又人中毒取萍子暴乾末酒服方寸匕又為膏長髮本經云水萍應是小者臣禹錫等謹按爾雅云萍萍其大者蘋注水中浮萍江東謂之藻陸機毛詩

義疏云其龐大者謂之蘋小者曰萍季春始生可糝蒸
為茹又可苦酒淹以就酒日華子云治熱毒風熱疾熱
狂躁腫毒湯
火瘡風癰

圖經曰

水萍生雷澤池澤今處處溪澗水中皆有之此
是水中大萍葉圓闊寸許葉下有一點如水沫

一名米茱萸爾雅謂之萍其大者曰蘋是也周南詩云于
以采蘋陸機云海中浮萍龐大者謂之蘋季春始生可
糝蒸以為茹又可用苦酒淹以就酒三月採暴乾蘇恭
云此有三種大者曰蘋中者萍菜即下見葵是也小者
水上浮萍即溝渠間生者是也大蘋今醫方鮮用浮萍
俗醫用治時行熱病亦堪發汗甚有功其方用浮萍草
一兩四月十五者麻黃去節根桂心附子炮裂去脂皮
各半兩四物搗細篩每服二錢以水一中盞入生薑半
分煎至六分不計時候和滓熱服汗出乃差又治惡疾
通身瘡者取水中浮萍濃煮汁漬浴半日多效此方甚奇古也

聖惠方

治少年面上起細皰搗浮萍盒之亦可飲少許汁良也

又方

發背初得毒腫焮熱赤爛搗和雞子清貼之良

千金方

治中水毒手足指冷卽是或至膝肘以浮萍日乾服方寸匕差

千金翼

治小便不利膀胱水氣流滯以浮萍日乾末服方寸匕日一二服良

孫真人食忌

五月取浮萍陰乾燒烟去蚊子又主消渴以浮萍汁服之

子母秘錄

熱毒浮萍搗汁傳之令遍

高供奉

採萍時日歌不在山不在岸採我之時七月半選甚雄風與鰲風步小微風都不算豆林酒內下

三九戴幘頭

上也出汗

瓜 王 州 均



王瓜味苦寒無毒主消渴內痺瘀血月閉寒熱酸疼益
氣愈聾療諸邪氣熱結鼠瘻散癰腫留血婦人帶下不
通下乳汁止小便數不禁逐四肢骨節中水療馬骨刺
人瘡一名土瓜生魯地平澤田野及人家垣牆間三月

採根陰乾

陶隱居云今土瓜生籬院間亦有子熟時赤如彈丸大根今多不預乾臨用時刀掘取不

堪入大方正單行小小爾禮記月令云王瓜生此之謂也鄭玄云菰莫殊為繆矣唐本注云此物蔓生葉似梧樓圓無叉缺子如梔子生青熟赤但無稜爾根似葛細而多糝北間者累累相連大如棗皮黃肉白苗子相似根狀不同試療黃疸破血南者大勝也今按陳藏器本草云王瓜主蠱毒小兒閃癖痞滿并瘰取根及葉搗絞

汁服當吐下宜少進之有小毒故也臣禹錫等謹按爾雅云鉤藥姑釋曰鉤一名藥姑郭云鉤蕪也一名王瓜實如枲瓜正赤味苦藥性論云土瓜根使平一名王瓜子主蠱毒治小便秘數遺不禁曰華子云王瓜子潤心肺治黃病生用肺痿吐血腸風瀉血赤白痢炒用又云土瓜根通血脈天行熱疾酒黃病壯熱心煩悶吐痰癰瘡排膿熱勞治撲損消瘀血破癥癖落胎

圖經曰

王瓜生魯地平澤田野及人家垣牆間今處處有之月令四月王瓜生即此也葉似栝樓圓無

叉狀有刺如毛五月開黃花花下結子如彈丸生青熟赤根似葛細而多稜謂之土瓜根北間者其實累累相連大如棗皮黃肉白苗葉都相似但根狀不同耳三月採根陰乾均房間人呼為老鴟瓜亦曰菟瓜謹按爾雅曰黃羊善切菟瓜郭璞注云似土瓜而土瓜自謂之葵與葵同姑與姑同又名鉤姑蓋菟瓜別是一種也又云

芴音物菲亦謂之王瓜自別是一物詩所謂採葑採菲者非此土瓜也大凡物有異類同名甚多不可不辨也葛氏療面上癰瘰子用之仍得光潤皮急以土瓜根搗篩漿水勻和入夜先漿水洗而傳藥旦復洗之百日光華射人小兒四歲發黃生瘡絞汁三合與飲不過三飲愈

聖惠方

治黑疸多死宜急治用瓜根一斤搗絞汁六合頻服當有黃水隨小便出如未出更服之

外臺秘要

治蠱土瓜根大如母指長三寸切以酒半升漬一宿一服當吐下

肘後方

治黃疸變成黑疸醫所不能治土瓜根汁頻服一小升平旦服食後煩病汗當小便出愈不爾

再服

又方

治小便不通及關格方生土瓜根搗取汁以少水解之筒中吹下部取通

產書


下乳汁土瓜根為末
酒服一錢一日三

衍義曰

王瓜體如栝樓其殼徑寸一種長一寸許上微
圓下尖長七八月間熟紅赤色殼中子如螳螂

頭者今人又謂之赤雹子其根即土瓜根也於細根土
生淡黃根三五相連如大指許根與子兩用紅子同白
子皆治
頭風

江寧府地榆



榆 地 州 衡

金匱要略

卷九



地榆味苦甘酸微寒無毒主婦人乳痼痛七傷帶下病
止痛除惡肉止汗療金瘡止膿血諸瘻惡瘡熱瘡消酒
除消渴補絕傷產後內塞可作金瘡膏生桐柏及寬句

山谷二月八月採根暴乾

得髮良惡麥門冬陶隱居云
今近道處處有葉似榆而長

初生布地而花子紫黑色如鼓故名玉鼓二莖長直上
根亦入釀酒道方燒作灰能爛石也
若時用葉作飲
亦好今按別本注云今人止冷熱痢及疳痢熱極效臣
禹錫等謹按藥性論云地榆味苦平能治產後餘瘀瘕
痛七傷治金瘡止血痢餘膿蕭炳云今方用共搗皮同
療赤白痢日華子云排膿止吐血鼻衄月經不止血崩
產前後諸血疾赤白痢并水瀉濃煎止腸風
俱是平原川澤皆有獨莖花紫七八月採

圖經曰

地榆生桐柏及寬甸山谷今處處有之宿根三月內生苗初生布地莖直高三四尺對分出葉

葉似榆少狹細長作鋸齒狀青色七月開花如樺子紫黑色根外黑裏紅似柳根二月八月採暴乾葉不用山人乏茗時採此葉作飲亦好古斷下方多用之葛氏載徐平療下血二十年者取地榆鼠尾草各二兩水二升煮半頓服不斷水漬屋塵飲一小盃投之不過重作乃愈小兒疳痢亦單煮汁加飴糖與服便已又毒蛇螫人搗新根取汁餘兼以潰瘡良崔元亮海上方赤白下骨立者地榆一斤水三升煮取一升半去滓再煎如稠錫絞慮空腹服三合日再

唐本注云

主帶下十二病孔氏音義云一日多赤二日多白三日月水不通四日陰蝕五日日子

藏堅大日子門閉十日子宮冷十一日夢與鬼交十二日五藏

不定用葉作飲
代茶甚解熱

聖惠方

治婦人漏下赤白不止令人黃瘦虛竭以地榆
三兩細剉米醋一升煮十餘沸去滓食前稍熟

服一合亦
治吐血

千金翼

伐指逆腫單煮地榆
作湯漬之半日愈

肘後方

療虎犬咬人地榆根末服方
寸匕日一二服傳瘡尤佳

葛氏

毒蛇螫人搗地榆根
絞取汁飲兼以潰瘡

梅氏方

治獐犬咬人煮地榆飲之兼末傳瘡上服方寸
匕日三服忌酒若治瘡已差者搗生薑汁飲之

三升

齊民要術

地榆汁釀酒
治風痺補腦

三洞要錄

地榆草到一升
取白露汁二升
置銅器中煮米熟絞取汁玉

屑化為水名曰玉液以藥內
杯美酒中所謂神玉漿也

衍義曰

地榆性沉寒入下焦熱血痢則可用
若虛寒人及水瀉白痢即未可輕使

冀州小薊根



大小薊根味甘溫主養精保血大薊主女子赤白沃安

胎止吐血衄鼻令人肥健五月採

陶隱居云大薊似虎薊小薊是貓薊葉並

多刺相似田野甚多方藥復用是賤之故大薊根甚療血亦有毒唐本注云大小薊葉欲相似功力有殊並無毒亦非虎貓薊也大薊生山谷根療癰腫小薊生平澤俱能破血小薊不能消腫也今按陳藏器本草云小薊破宿血止新血暴下血血崩金瘡出血嘔血等絞取汁溫服作煎和糖合金瘡及蜘蛛蛇蝎毒服之亦佳臣禹錫等謹按藥性論云大薊亦可單用味苦平主崩中血下生取根搗絞汁取半升許多立差日華子云小薊根涼無毒治熱毒風并胃膈煩悶開胃下食退熱補虛損苗去煩熱生研汁服小薊力微只可退熱不似大薊能補養下氣又云大薊葉涼治腸癰腹藏瘀血暈撲損可生研酒并小便在服惡瘡疥癬鹽研害傳又名刺薊山牛蒡

圖經曰

小薊根本經不著所出州土今處處有之俗名青刺薊苗高尺餘葉多刺心中出花頭如紅藍

花而青紫色北人呼為千針草當二月苗初生二三寸時并根作茹飲之甚美四月採苗九月採根並陰乾入藥亦生搗根絞汁飲以止吐血衄血下血皆驗大薊根苗與此相似但肥大耳而功力有殊破血之外亦療癰腫小薊專主血疾

陳藏器云

薊門以薊為名北方者勝也

食療云

小薊根主養氣取生根葉搗取自然汁服一盞立佳又取葉煮食之除風熱根主崩中又女子

月候傷過搗汁半升服之金瘡血不止按葉封之夏月熱煩悶不止搗葉取汁半升服之立差

聖惠方

治心熱吐血口乾用刺薊葉及根搗絞取汁每服一小盞頓服

又方

乳石發動壅熱心悶吐血以生刺薊搗取汁每服三合入蜜少許攪勻服之

外臺秘要

治鼻窒塞不通小薊一把水二升煮取一升去滓分服曾有人陰冷漸漸冷氣入陰囊腫

滿恐死夜疼悶不得眠煮大薊根汁服立差

梅師方

治卒吐血及瀉鮮血取小薊葉搗絞取汁溫服

簡要濟衆

治九竅出血以刺薊一握絞取汁以酒半盞調和頓服之如無清汁只搗乾者為末冷水調三錢匕

又方


治小兒浸淫瘡疼痛不可忍發寒熱刺薊末新水調傳瘡上乾即易之

衍義曰

大小薊皆相似如花如髻但大薊高三四尺葉皺小薊高一尺許葉不破以此為異小薊山野人

取為蔬甚適用雖有微芒亦不能害人

海藻



海藻味苦鹹寒無毒主癭瘤氣頸下核破散結氣癰腫
癥瘕堅氣腹中上下鳴下十二水腫療皮間積聚暴癰

留氣熱結利小便一名落首一名薄生東海池澤七月

七日採暴乾

及甘草陶隱居云生海島上黑色如亂髮而大少許葉大都似藻葉又有石帆狀如

柏療石淋又有水松狀如松療溪毒今按陳藏器本草云此物有馬尾者大而葉者本經及注海藻功狀不分馬尾藻生淺水如短馬尾細黑色用之當浸去鹹大葉藻生深海中及新羅葉如水藻而大本經云主結氣癭瘤是也爾雅云綸音開似綸組似組正為二藻也海人取大葉藻正在深海底以繩繫腰沒水下則得旋繫絕上五月已後當有大魚傷人不可取也臣禹錫等謹按爾雅云藻海藻注藥草也一名海蘘如亂髮生海中

藥性論云海藻其味鹹有小毒主辟百邪鬼魅治氣疾
急滿療疝氣下墜疼痛核脹去腹中雷鳴幽幽作聲孟
詵云海藻主起男子陰氣常食之消男子瘡疾南方人
多食之傳於北人北人食之倍生諸病更不宜矣陳藏
器云馬藻大寒搗傳小兒赤白遊癰火焱熱瘡搗絞汁
服去暴熱熱痢止渴生水水上如馬齒相連又云石帆高
尺餘根如漆上漸軟作交羅文生海底煮汁服主婦人
血結月閉石淋又云水松葉如松半草食之生水腫主
生海底吳都賦云石帆水松是也日華子云石帆平無
毒紫色梗大者如筋見風漸硬色如漆多人飾作珊瑚裝
圖經曰海藻生東海池澤今出登萊諸州海中凡水中
皆有藻周南詩云于以採藻于沼于汜是也陸
幾云藻水草生水底有二種一種葉如雞蘇莖如筋長
四五尺一種莖如釵股葉如蓬蒿謂之聚藻扶風人謂
之藻聚為發聲也二藻皆可食熟煨其腥氣米麴糝蒸
為茹甚佳美荆揚人饑荒以當穀食今謂海藻者乃是

海中所生根著水底石上黑色如亂髮而麤大少許葉
 類水藻而大謂之大葉藻本經云主癰瘡是也海人以
 繩繫腰沒水下則得之旋繫繩上又有一種馬尾藻生
 淺水中狀如短馬尾細黑色此主水廕下水用之陶隱
 居云爾雅所謂綸似綸組似組東海有之今青苔紫菜
 皆似綸昆布亦似組恐即是此也而陳藏器乃謂綸組
 正謂此藻謹按本經海藻一名藻而爾雅謂藻為石衣
 又謂藻徒南切名海藻與藻同是海藻自有此二名而
 注釋皆以為藥草謂綸組乃別草若然隱居所云似近
 之藏器之說亦未可的據又注釋以石衣為水若一名石
 髮石髮即陟釐也色類似苔而麤澁為異又云藻葉似
 籬音薤而大生海底且陟釐下自有條味性功用與海
 藻今別又生江南池澤乃是水中青苔古人用以為紙
 亦青黃色今注以為石髮是也然則藻與籬皆是海藻
 之名石髮別是一類無疑也昆布今亦出登萊諸州功
 用乃與海藻相近也陶又云凡海中菜皆療癰瘡結氣

青苔紫菜輩亦然又有石帆如拍主石淋水松如松
主溪毒吳都賦所謂草則石帆水松劉淵林注云石帆
生海嶼石上草類也無葉高尺許其華離樓相貫連死
則浮水中人於海邊得之稀有見其生者水松藥草生
水中出南海交趾是也紫菜附石生海上正青取乾之
則紫色南海有之東海又有一種海帶似海藻而龐且
長登州人取乾之柔韌可以繫束物醫家用下水速於
海藻昆布之類石髮今人亦乾之作菜以齏醢敵之尤
美青苔可以作脯食之皆利人苔之類又有井中苔生
廢井中并井籃皆主熱毒又上有垣衣條云生古垣牆
陰蘇恭云即古牆北陰青苔衣也生石上者名昔邪屋
上生者名屋游大抵主療畧同陸龜蒙苔賦云高有瓦
松卑有澤葵散巖實者曰石髮補空田者曰垣衣在屋
曰昔邪在藥曰陟釐是也瓦松生古瓦屋上若松子作
層澤葵鳧葵也雖曰異類而皆感瓦石而生故陸推類
而云耳今人罕復用之故但附見於此瓦松即下條作

葉荷草也廣志謂之蘭香段成式云或言構木上多松栽土木氣洩則生瓦松然亦不必爾今醫家或用作女子行經絡藥步釐古方治虛冷下痢最要范注治腹中留飲有海藻丸又有蠶酒方用海藻一斤絹袋盛以清酒二斤浸春夏二日秋冬三日一服兩合日三酒盡更合飲之如前滓暴乾末服方寸匕日三不過兩劑皆差廣濟療氣勝脫急妨宜下氣昆布臙法高麗昆布一斤白米泔浸一宿洗去鹹味以水一斗煮令向熟擘長三寸間四五分仍取蔥白一握二寸切斷擘之更煮令昆布極爛仍下鹽酢豉糝調和一依臙法不得令鹹酸以生薑橘皮椒水等調和宜食梁米梗米飯海藻亦依此法極下氣大效無所忌

海藻云

主宿食不消五膈痰壅水氣浮腫胸氣賁狃氣並良

雷公

凡便先須用生烏豆并紫貝天葵和海藻三件同蒸一伏時候日乾用之


肘後方

治頤下瘰癧如梅李宜速消之海藻一斤酒一升漬數日稍稍飲之


又方

治頸下卒結囊欲成癭海藻一斤洗去鹹酒浸飲之

徐州澤蘭



蘭 澤 州 梧



澤蘭味苦甘微溫無毒主乳婦內衄中風餘疾大腹水腫身直四肢浮腫骨節中水金瘡癰腫瘡膿產後金瘡

內塞一名虎蘭一名龍棗一名虎蒲生汝南諸大澤傍

三月三日採陰乾

防己為之使陶隱居云今處處有多生下濕地葉微香可煎油或生澤傍

故名澤蘭亦名都梁香可作浴湯人家多種之而葉小異今山中又有一種甚相似莖方葉小強不甚香既云

澤蘭又生澤傍故山中者為非而藥家乃採用之唐本注云澤蘭莖方節紫色葉似蘭草而不香今京下用之

者是陶云都梁香乃蘭草爾俗名蘭香煮以洗浴亦生澤畔人家種之花白紫萼莖圓殊非澤蘭也陶注蘭草

復云名都梁香並不深識也臣禹錫等謹按吳氏云澤蘭一名水香神農黃帝岐伯桐君酸無毒季氏溫生下

地水傍葉如蘭二月生香赤節四葉相值技節間藥性
論云澤蘭使味苦辛主產後腹痛頻產血氣衰冷成勞
瘦羸又治通身面目大腫主婦人血滯腰痛日華子澤
蘭通九竅利關節養血氣破宿血消癥瘕產前產後百
病通小腸長肉生肌消撲損瘀血治鼻洪吐血頭風
日痛婦人勞瘦丈夫面黃四月五月採作纏把子

圖經曰

澤蘭生汝南諸大澤傍今荆徐隨壽蜀梧州河
中府皆有之根紫黑色如栗根二月生苗高二

三尺莖青紫色作四稜葉生相對如薄荷微香七月
開花帶紫白色萼通紫色亦似薄荷花三月採苗陰乾
荆湖嶺南人家多種之壽州出者無花子此與蘭草大
抵相類但蘭草生水傍葉光潤根小紫五六月盛而澤
蘭生水澤中及下濕地葉尖微有毛不光潤方莖紫節
七月八月初採微辛此為異耳今婦人方中最急用也
又有一種馬蘭生水澤傍頗似澤蘭而氣臭味辛亦主
破血補金創斷下血陳藏器以為楚詞所喻惡草即是

也北人呼為紫菊以其花似菊也又有一種山蘭生山側似劉寄奴葉無極不對生花心微黃亦亦能破血皆可用可

雷公云

凡使須要別識雄雌其形不同大澤蘭形葉皆圓根青黃能生而調氣與榮台小澤蘭迥

別株得後看葉上斑根須尖此藥能破血通久積凡脩事大小澤蘭須細對之用絹袋盛懸於屋南畔角上令乾用

子母秘錄

治小兒疳瘡
澤蘭心封上

衍義曰

澤蘭按補注云葉似蘭今蘭葉如麥門冬稍闊而長及一二尺無枝梗殊不與澤蘭相似澤蘭

纔出土便分枝梗葉如菊但尖長若取香嗅則稍相類既謂之澤蘭又曰生汝南大澤傍則其種本別如蘭之

說誤
矣

昆布味鹹寒無毒主十二種水腫癭瘤聚結氣癭瘡生

東海

陶隱居云今惟出高麗繩把索之如卷麻作黃黑色柔韌可食爾雅云繡音開似綸組似組東海有

之今青苔紫菜皆似綸北昆布亦似組恐即是也凡海中菜皆療癭瘤給氣青苔紫菜單亦然乾苔性熱柔苔甚冷也今按陳藏器本草云昆布主陰癭含之咽汁生南海葉如手大如薄葦紫色臣禹錫等謹按藥性論云昆布臣有小毒利水道去面腫治惡瘡鼠癭陳藏器云紫菜味甘寒主下熱煩氣多食令人腹痛發氣吐白沫飲少熟醋消之蕭炳云海中菜有小螺子損人不可多食

圖經

文具海
藻條下

唐本注云

又有石帆狀如柏治石淋
又有水松狀如松治溪毒

陳藏器云

主頰卽腫煮汁咽之生南海葉如手乾紫亦
色大似薄葦陶云出新羅黃黑色葉柔細陶

解昆布乃是馬尾海藻也新注云
如癭氣取末蜜丸含化自消也

海藥云

謹按異志生東海水中其草順流而生新羅者
黃黑色葉細胡人採得搓之為索陰乾舶上來

中國性溫主大腹水腫諸
浮氣并癭瘤氣結等良

雷公云

凡使先弊翫草同煮去鹹味焙細剉用每修事
一斤用翫草大小十箇同昆布細剉二味各一

處下東流水從已煮
至亥水旋添勿令少

食療云

下氣久服瘦人無此疾者不可食海島之人愛
食為無好菜只食此物服久病亦不生遂傳說

其功於北人北人食之病皆生是水土不宜爾又云紫菜下熟氣多食服人若熟氣塞咽喉者汁飲之此是海中之物味猶有毒性凡是海中之菜所以有損人矣

聖惠方

治癭氣結核癰癭腫硬昆布一兩洗去鹹搗為散每以一錢綿裹於好醋中浸過含嚥津藥味

盡再含之


外臺秘要

治頷下卒結囊漸大欲成癭以昆布海藻等分為末蜜凡含如杏核大稍嚥汁

千金翼

治五癭昆布一兩並切如指大酢漬含嚥津愈

興化軍防已



黔州防己



防已味辛苦平溫無毒主風寒溫瘧熱氣諸癰除邪利
大小便療水腫風腫去膀胱熱傷寒寒熱邪氣中風手
腳攣急止洩散癰腫惡結諸蝸疥癬蟲瘡通腠理利九
竅一名解離文如車輻理解者良生漢中川谷二月八

月採根陰乾

殷孽為之使殺雄黃毒惡細辛畏草薢陶隱居云今出宜都建平大而青白色虛軟

者好黧黑水強者不佳服食亦煩之是療風水氣要藥爾唐本注云防已本出漢中者作車輻解黃實而香其青白虛軟者名木防已都不任用陶謂之佳者蓋未見漢中者爾臣禹錫等謹按藥性論云漢防已君味苦有小毒能治濕風口面喎斜手足疼痛散留痰主肺氣嗽喘又云木防已使畏玄薨鹵其味苦辛能治男子肢節中

風毒風不語主散結氣惡腫溫瘧風
水腫治膀胱蕭炳云木防己出華州

圖經曰

破之文作漢中川谷今黔中亦有之但漢中出者

類牽味折其莖一頭吹之氣從中貫如木通類它處者
青白虛軟又有香氣皮皺上有丁足子名木防己二月
八月採陰乾用木防己雖今不入藥而古方亦通用之
張仲景治傷寒有增減木防己湯及防己地黃五物防
己黃耆六物等湯深師療脇間支滿其人喘滿心下痞
堅面鰲黑其脈沉緊得之數十日吐下之乃愈木防己
湯主之木防己二兩石膏二枚雞子大碎綿裹挂心二
兩人參四兩四物以水六升煮取二升分再服虛者便
愈實者三日復發汗至三日復不愈者宜去石膏加芒
消三合以水六升煮三味取二升去滓內芒消分再服
微下利則愈禁生蔥孫思邈療遺
溺小溲澁亦用三物木防己湯

陳藏器云

如陶所注即是木防己用體小同按木漢二防己即是根苗為名漢主水氣木主風

氣宣通作藤著木生
吹氣通一頭如通草

雷公云

凡使勿使木條以其木條已黃腥皮皺上有丁足子不堪用夫使防己要心花文黃色者然細

劉又劉車前草根相對同蒸半日
後出照去車前草根細對用之


肘後方

服雄黃中毒防己汁解之防己實焙乾為末如茶法煎服俗用治脫肛

初虞世方

治肺痿咯血多痰防己葶藶等分為末糯米飲調下一錢

邵州天麻



天麻味辛平無毒主諸風濕痺四肢拘攣小兒風癇驚

氣利腰膝強筋力久服益氣輕身長年生鄆州利州太

山嶠山諸山五月採根暴乾

葉如芍藥而小當中抽一莖直上如箭筈莖端結實

狀若續隨子至葉枯時子黃熟其根連一二十枚猶如天門冬之類形如黃瓜亦如蘆菔大小不定彼人多生嗽或蒸煮食之今多用鄆州者佳今附臣禹錫等謹按別注又云主諸毒惡氣支滿寒疝下血今處處有之時人多用焉莖似箭筈赤色故莖名亦箭也藥性論云赤箭脂一名天麻又名定風草味甘平能治冷氣瘧痺癰腫不遂語多恍惚多驚失志陳藏器云天麻寒主熱毒癰腫搗莖葉傅之亦取子作飲去熱氣生平澤似馬鞭草節節生紫花花中有子如青箱子日華子云味甘暖助陽氣補五勞七傷鬼疰蟲毒通血脉關竅服無忌

圖經曰

天麻生鄆州利州太山嶗山諸山今京東京西湖南淮南州郡亦有之春生苗初出若芍藥獨

抽一莖直上高三二尺如箭筈狀青赤色故名赤箭脂莖中空依半以上貼莖微有尖小葉梢頭生成穗開花結子如豆粒大其子至夏不落却透虛入莖中潛生土內其根形如黃瓜連生一二十枚大者有重半斤或五六兩其皮黃白色名曰龍皮肉名天麻二月三月五月八月內採初取得乘潤刮去皮沸湯畧煮過暴乾收之蒿山衡山人或取生者蜜煎作果食之甚珍妙

雷公曰

凡便勿用御風草綠與天麻相似只是葉莖不同其御風草根莖斑葉皆白有青點使御

風草根勿使天麻二件若同用即令人有腸結之患修事天麻十兩用蒺藜子一鑑緩火熬焦熱後使先安置天麻十兩於瓶中上用火熬過蒺藜子蓋內外便用三重紙蓋并繫從已至未時又出蒺藜子再入熬炒焦前

安天麻瓶內用炒過蒺藜子於中依前蓋又隔一伏時後出如此七遍瓶盛出後用布拭上氣汗用刀劈焙之細到單擣然用御風草修事法亦同天麻

別說云

謹按亦箭條下所說甚詳今就此考之尤為分明詳此圖經之狀即亦箭苗之未長大者二說

前後自不同則所為紫花者又不知是何物也若依亦箭條後用之為是

衍義曰

天麻用根須別藥相佐使然後見其功仍須加而用之又或蜜漬為果或蒸煮食用天麻者深

思之則得矣
苗則亦箭也

廣州阿魏



阿魏味辛平無毒主殺諸小蟲去臭氣破癥積下惡氣

除邪鬼蠱毒生西蕃及崑崙

唐本注云苗葉根莖酷似白芷搗根汁日煎作餅者

為上截根穿暴乾者為次體性極臭而能止臭亦為奇物也唐本先附臣禹錫等謹按蕭炳云今人日煎蒜白為假者真者極臭而去臭為奇物今下細蟲極致段成式酉陽雜俎云阿魏出伽闐那國即北天竺也伽闐那呼為形虞亦出波斯國波斯呼為阿虞載樹長八九尺皮色青黃三月生葉葉形似鼠耳無花實斷其枝汁出如飴久乃堅凝名阿魏拂林國僧鸞所說同摩伽陀僧提婆言取其汁和米豆屑合成阿魏日華子云阿魏熟治傳屍破癥癖冷氣氣辟溫治瘡兼主霍亂心腹痛腎氣溫瘴藥一切草菜毒

圖經曰

阿魏出西蕃及崑崙今惟廣州有之舊說苗葉根極似白芷搗根汁日煎作餅者為上截根穿

暴乾者為次今廣州出者云是木膏液滴釀結成二說不同謹按段成式酉陽雜俎云阿魏本生波斯國呼為阿虞木長八九尺皮色青黃三月生葉似鼠耳無花實斷其枝汁出如飴久乃堅凝名阿魏或云取其汁和米豆屑合釀而成乃與今廣州所上相近耳

海藥云

謹按廣志云生石崑崙國是木津液如挑膠狀其色黑者不堪其狀黃散者為上其味辛

溫善主於風邪鬼注并心腹中冷服餌又雲南長河中亦有阿魏與舶上來者滋味相似一般又無黃色

雷公云

凡便多有訛偽其有三驗第一驗將半銖安於古堯器中一宿至明需阿魏處白如銀汞無赤

色第二驗將一銖置於五味草自然汁中一夜至明如鮮血色第三驗將一銖安於抽樹上樹立乾便是真凡使先於靜室中所際粉了於熱酒器上裛過任入藥用

千金翼

尸症惡氣阿
魏治之神效


別說云

謹按阿魏補注團經所說合在木部今二浙人家亦種枝葉香氣皆同而差淡薄但無汁膏爾

儋州高良薑



雷州高良薑



高良薑大溫主暴冷胃中冷逆霍亂腹痛

陶隱居云出高良郡人腹

痛不止但嚼食亦效形氣與杜若相似而葉如山薑唐本注云生嶺南者形大虛軟江左者細緊味亦不甚辛其實一也今相與呼細者為杜若大者為高良薑此非也今按陳藏器本草云高良薑味辛溫下氣益聲好顏色煮作飲服之止痢及霍亂蕭炳別本注云二月三月採根暴乾味辛苦大熱無毒臣禹錫等謹按藥性論云高良薑使能治腹內久冷胃氣逆嘔吐治風破氣腹冷氣痛去風冷痺弱療下氣冷逆衝心腹痛吐瀉日華子云治轉筋瀉痢反胃嘔食解酒毒消宿食

圖經曰

高良薑舊不載所出州土陶隱居云出高良郡今嶺南諸州及黔蜀皆有之內郡雖有而不堪

入藥春生莖葉如薑苗而大高一二尺許花紅紫色如山薑二月三月採根暴乾古方亦單用治忽心中惡口

吐清水者取根如散子塊含之嚥津送巡即差若
臭亦含嚥更加草豆蔻同為末煎湯常飲之佳

聖惠方

治霍亂吐痢腹痛等疾高良薑一兩剉以水三
大盞煎取二盞半去滓下梗米二合煮粥食之

外臺秘要

備急霍亂吐利方火炙高良薑令焦香每用
五兩打破以酒一升煮取一碗頓服亦治腹

痛氣
惡

蘇恭云

凡患脚氣每旦任意飽食午後少食日晚不食
如饑可食豉粥若暎不消欲致霍亂者即以高

良薑一兩打碎以水三升煮取一升頓服盡即消待極
饑乃食一椀薄粥其藥唯極飲之良若卒無高良薑毋
薑一兩代之以清酒一升煮令極熱
去滓食之雖不及高良薑亦大效矣

十全方

治心脾痛以高良薑細剉微炒
杵末米飲調下一錢匕立止


衡州百部




部 百 州 滁

食部正名

卷九



峽州百部



百部根微溫

臣禹錫等謹按蜀本云微寒

主欬嗽上氣

陶隱居云山野處處有根

數十相連似天門冬而苦強亦有小毒火炙酒漬飲之療欬嗽亦主去蟲煮作湯洗牛犬蟲即去博物志云九真有一種草似百部但長大兩懸火上令乾夜取四五寸短切含咽汁勿令人知主暴欬甚良名為嗽藥疑此是百部恐其土肥潤處是以長大爾今按陳藏器本草云百部根大炙酒浸空腹飲去蟲蠶咬兼疥癬瘡臣禹錫等謹按藥性論云百部使味甘無毒能治肺家熱上氣欬逆主潤益肺日華子云味苦無毒治疳蚘及傳尸骨蒸勞殺蚘蟲寸白曉蟲并治一切樹木蛀蟲盡之亦可殺蠅蠊又名婆娑草一根三十來莖

圖經曰

百部舊不著所出州土今江湖淮陝齊魯州郡皆有之春生苗作藤蔓葉大而尖長頗似竹葉

面青色而光根下作撮如芋子一撮乃十五六枚黃白色二月三月八月採暴乾用古今方書治嗽多用葛洪

主卒嗽以百部根生薑二物各絞汁合煎服一合張文仲單用百部根酒漬再宿大溫服一升日再千金方療三十年嗽以百部根二十斤搗絞取汁煎之如飴服方寸匕日三驗

唐本云

微寒有毒

雷公云

凡使採得後用竹刀劈破去心皮花作數十條於簷下懸令風吹待土乾後却用酒浸一宿漉

出焙乾細剉用忽一窠自有八十三條者號曰地仙苗若脩事餌之可千歲也

外臺秘要

治誤吞錢百部根四兩酒一升漬一宿溫服一升日再服


續十全方

治暴嗽百部藤根搗自然汁和蜜等分沸湯煎成膏嚥之

抱朴子

百部根理咳及殺虱

子香懷



簡州懷香子

金府四
尺
三
言

卷九



懷香子味辛平無毒主諸癰霍亂及蛇傷

唐本注云葉似老胡

蔓極細莖鹿高五六尺叢生今注一名茴香子亦主勝
脫腎間冷氣及育腸氣調中止痛嘔吐唐本先附臣禹
錫等謹按藥性論云懷香亦可單用味苦辛和諸食中
甚香破一切臭氣又辛惡心腹中不安取莖葉煮食之
即差川中多食之日華子云得酒良治乾濕脚氣
并腎勞癰疝氣開胃下食治膀胱痛陰疼入藥炒

圖經曰

懷香子亦名茴香本經不載所出今交廣諸蕃
及近郡皆有之入藥多用蕃舶者或云不及近

處者有力三月生葉似老胡荽極疎細作叢至五月高
三四尺七月生花頭如傘蓋黃色結實如麥而小青
色北人呼為土茴香苗懷聲近故云耳八九月採實陰乾
今近道人家園圃種之甚多古方療惡毒癰腫或連陰
髀間疼痛急攣牽入小腹不可忍一宿則殺人者用茴
香苗葉搗取汁一升服之日三四用其滓以貼腫上冬

中根亦可用此外國方求
嘉以來用之起死神效

食療云

國人重之云有助陽道用之未得其方法也
生搗莖葉汁一合投熱酒一合服之治卒腎

氣衝脇如刀刺痛喘息
不得亦甚理小腸氣

孫真人云

治瘴瘧渾身熱連背項
難苗香子搗取汁服

經驗後方

治脾胃進食苗香二兩生薑四兩同搗令勻
淨器內濕紙蓋一宿次以銀石器中文武火

炒令黃焦為末酒丸如梧子大
每服十九至十五丸茶酒下

食醫心鏡

苗香治霍亂辟熱除口氣
臭煮作羹及生食並得

衍義曰

懷香子今人止呼為苗香治膀胱冷氣及瘡痛
亦調和胃氣唐本注似老胡荽北誤矣胡荽葉


如蛇牀懷香徒有葉之名但散如絲髮特異諸
草枝上時有大青蟲形如蠶治小腸氣甚良




晉州款冬花



潞州款冬花



耀州款冬花



豈類本草

四五

秦州款冬花

欽定四庫全書

卷九



款冬花味辛甘溫無毒主欬逆上氣善喘喉痺諸驚癇
寒熱邪氣消渴喘息呼吸一名橐吾一名顥凍一名虎
鬚一名菟奚一名氏冬生常山山谷及上黨水傍十一

月採花陰乾

杏仁為之使得紫苑良惡皂莢消石玄參畏貝母辛夷麻黃黃耆黃芩黃連青葙陶

隱居云第一出河北其形如宿萼未舒者佳其腹裏有
絲次出高麗百濟其花乃似大菊花次亦出蜀北部宕
昌而並不如其冬月在水下生十二月正月旦取之唐
本注云今出雍州南山溪水及華州山谷澗間葉似葵
而大叢生花出根下臣禹錫等謹按爾雅云菟奚顥凍
釋曰藥草也郭云款凍也紫亦花生水中藥性論云款
冬花君主療肺氣心促急熱乏勞數連連不絕涕唾稠
粘治肺痿肺癰吐膿日華子云潤心肺益五藏除煩補

勞劣消痰止嗽肺痿吐血心虛驚悸洗肝明目及中風等疾十一十二月雪中出花

圖經曰

款冬花出常山山谷及上黨水傍今關中亦有之根紫色莖青紫葉似萆薢十二月開黃花青

紫莖去土一二寸初出如菊花莖通直而肥實無子則陶隱居所謂出高麗百濟者近此類也又有紅花者葉如荷而斗直大者容一升小者容數合俗呼為蜂斗葉又名水斗葉則唐注所謂大如葵而叢生者是也十一月採花陰乾或云花生於冰下正月旦採之郭璞注爾雅穎凍云紫赤花生水中水字近疑一有誤而傳咸款冬賦序曰余曾逐禽登于北山于時仲冬之月也冰凌盈谷積雪被崖顧見款冬嶂然始數華豔當是生於水下為正也本經主款通古今方用之為治嗽之最崔知悌療久嗽魚法每日取款冬花如雞子許少蜜拌花便潤內一升鐵鑊中又用一瓦碗鑽一孔孔內安一小竹筒筆管亦得其筒稍長作碗鑊相合及挿筒處皆題

望之勿令漏氣鎗下著炭少時款冬煙自從筒出則口
含筒吸取煙嘸之如胃中少悶頃舉頭即將指頭捻筒
頭勿使漏煙氣吸煙使盡止凡如是五日一
為之侍至六日則飽食羊肉餽飽一頓永差

雷公云

凡採得須去向裏裏花葉殼并向裏實如粟
零殼者并枝葉用以甘草水浸一宿却取款


冬花葉相伴裹一夜臨用時
即乾燉去兩件拌者祇用葉

衍義曰

款冬花百草中惟此不顧冰雪最先春也世又
謂之鎖凍雖在冰雪之下至時亦生芽春時人

或採以代蔬入藥頃微見花者良如已芬芳則都無力
也今人又多使如筋頭者恐未有花爾有人病嗽多日
或教以然款冬花三兩枝於無風處
以筆管吸其烟滿口則嘸之數日效

紅藍花



紅藍花味辛溫無毒主產後血暈口噤腹內惡血不盡
絞痛胎死腹中並酒煮服亦主蠱毒下血堪作燕脂其
苗生擣碎傅遊腫其子吞數顆主天行瘡子不出其燕
脂主小兒聾耳滴耳中生梁漢及西域一名黃藍博物
志云黃藍張騫所得今倉魏地亦種之

附今

圖經曰

紅藍花即紅花也生梁漢及西域今處處有之
人家場圃所種冬而布子於熟地至春生苗夏

乃有花下作根彙多刺花葉出林上圃人承露採之採
已復出至盡而罷根中結實白顆如小豆大其花暴乾
以染真紅及作燕脂主產後血病為勝其實亦同葉頗
似藍故有藍名又名黃藍博物志云張騫所得也張仲

景治六十二種風兼腹內血氣刺痛用紅花一大兩分
為四分以酒一大升煎強半頓服之不止再服又一方
紅藍子一并搗碎以無灰酒一大升攪合拌了暴令乾
重搗篩蜜丸如桐子大空腹酒下四十丸正元廣利方
治女子中風血熱煩渴者以紅藍子五大合微熬搗碎
旦日取半大匙以水一升煎取七合去滓細細嚥之又
崔元亮海上方治喉痺壅塞不通者取紅藍花搗絞取
汁一小升服之以差為度如冬月無濕花可浸乾者濃
絞取汁如前服之極驗但咽喉塞
服之差亦療婦人產量絕者

唐本注云

治口噤不語血結
產後諸疾堪染紅

外臺秘要

治一切腫方以紅花熟爛搗取汁服之不過
再三服便差服之多少量腫大小而進之

簡要濟衆

產後血暈心悶氣絕紅花一兩搗為末分作
兩服酒二中盞煎取一盞併服如口噤幹開

欽定四庫全書

卷九

五

灌之子母
秘錄同

產寶

療產後中風煩渴紅花子五合微熬研碎以一匙水一升煎取七合徐徐呷之

近効方

治血暈絕不識人煩悶者紅花三兩新者佳無灰酒半升童子小便半升煮取一大盞去滓候

冷頓服之新汲水煮之亦良

滁 州 牡 丹



牡丹味辛苦寒微寒無毒主寒熱中風痙

音

痙

音

痙驚

痙邪氣除痙堅瘀血留舍腸胃安五藏療癰瘡除時氣

頭痛客熱五勞勞氣頭腰痛風噤癰疾一名鹿韭一名

鼠姑生巴郡山谷及漢中二月八月採根陰乾

畏菟絲子陶隱

居云今東閩亦有色赤者為好用之去心按鼠婦亦名鼠姑而此又同殆非其類恐字誤唐本注云牡丹生漢中劔南所出者苗似羊桃夏生白花秋實圓綠冬實赤色凌冬不凋根似芍藥肉白皮丹出漢劔南土人謂之牡丹亦名百兩金京下謂之吳牡丹者是真也今俗用者異於此別有臊氣也臣禹錫等謹按藥性論牡丹能治冷氣散諸痛治女子經脈不通血滯腰疼蕭炳云今出合州者佳白者補亦者利出和州宣州者並良日華

子云除邪氣悅色通關脈血脈排膿通月經消撲損瘀血續筋骨除風痺治胎下胞產後一切女人冷熱血氣此便是牡丹花根巴蜀渝合州者上海鹽者次服忌蒜

圖經曰

牡丹生巴郡山谷及漢中今丹延青越滁和州山中皆有之花有黃紫紅白數色此當是山牡

丹其莖便枯燥黑白色二月於搜上生苗葉三月開花其花葉與人家所種者相似但花止五六葉耳五月結子黑色如雞頭子大根黃白色可五六寸長如筆管大二月八月採銅刀劈去骨陰乾用此花一名木芍藥近世人多貴重圓人欲其花之說異皆秋冬移接培以壤土至春盛開其狀百變故其根性殊失本真藥中不可用此品絕無力也牡丹主血乃去瘀滯正元廣利方療因傷損血瘀不散者取牡丹皮八分合蜚蟲二十一枚熬過同搗篩每旦溫酒和散方寸匕服血當化為水下

雷公云

凡使採得後日乾用銅刀劈破去骨了細剉如大豆許用清酒持蒸從已至未出日乾用

外臺秘要

治蠱毒方取牡丹根搗為末服一錢匕日三服良

肘後方


下部生瘡已決洞者服牡丹方寸匕日三服

衍義曰


牡丹用其根上皮花亦有緋者如西洛潛溪緋是也今禁苑又有深碧色者惟山中單葉花紅

者為佳家婢子次之若移枝接者不堪用為其花葉既多發奪根之氣也何以知之今千葉牡丹初春留花稍多來年花枝并葉便瘦多是開不成市人或以技搜皮售於人其乖殊甚


隨州京三稜



邢州三稜




涑州三稜



河中府三稜

金匱要略

卷九



江寧府三稜



京三稜味苦平無毒主老癰癥瘰結塊俗傳昔人患癥
瘕死遺言令開腹取之得病塊乾硬如石文理有五色
人謂異物竊取削成刀柄後因以刀刈三稜柄消成水
乃知此可療癥瘕也黃色體重狀若鯽魚而小又有黑
三稜狀似烏梅而稍大有鬚相連蔓延體輕為療體並
同今附臣禹錫等謹按日華子云味甘澁采治婦人血
脈不和心腹痛落胎消惡血補勞通月經治氣服消
撲損瘀血產後腹痛血
暈并宿血不下並效

圖經曰

京三稜舊不著所出地土今河陝江淮澗襄間
皆有之春生苗高三四尺似芟蒲葉皆三稜五

六月開花似莎草黃紫色霜降後採根削去皮鬚黃色
微苦似如小鯽魚狀體重者佳多生淺水傍或成澤中
其根初生成塊如附子大或有扁者傍生一根又成塊
亦出苗其不出苗只生細根者謂之雞爪三稜又不生
細根者謂之黑三稜大小不常其色黑去皮即白河中
府又有石三稜根黃白色形如釵股葉綠色如蒲苗高
及尺葉上亦有三稜四月開花白色如紅蓼花五月採
根亦消積氣下品別有草三稜條云生蜀地即雞爪三
稜也其實一類故附見於此一說三稜生荆楚字當作
荆以著其地本經作京非也今世都不復有三稜所用
皆江南綠蒲根也泰州尤多舉世皆用之雖太醫不以
為據蓋流習既久用根者不識其苗採藥者莫究其用
因緣差蒙不復更辨今三稜荆湘江淮水澤之間皆有
葉似莎草極長莖三稜如削大如人指高五六尺莖端
開花大體皆如莎草而大生水際及淺水中苗下即魁
其傍有根橫貫一根則連數魁魁上發苗採時斷其苗

又橫根形扁長如鯽魚者三稜也根未將盡一魁未發苗小圓如烏梅者黑三稜也又根之端鉤屈如爪者為雞爪三稜皆皮黑肌白而至輕三者本一物但力有剛柔各適其用因其形為名如烏頭烏啄雲母雲華之類本非兩物也今人乃妄以鳧茨香附子為之又本草謂京三稜形如鯽魚黑三稜如烏梅而輕今綠蒲根至堅重刻削而成莫知形體又葉扁莖圓不復有三稜處不知何緣名三稜也今三稜皆獨傍引二根無直下根其形其體多亦如鯽魚

陳藏器云

本經無傳三稜總有三四種但取根似烏梅有鬚相連蔓如絛作漆色蜀人織為器

一名琴者是也

外臺秘要

治癰瘕及主鼓脹滿以三稜草切一石水五石煮一石去滓更煎取三斗汁銅器中重釜

煎如稠糖即內密器中旦服一匕酒
一盞服之日二每服恒令酒氣相續

又方


下乳汁取京三稜三箇以水二椀
煎取一椀洗妳取汁為度極妙

子母秘錄

治小兒氣癰取三稜汁作羹粥以米麴為之
與妳母食每日取一棗大與小兒喫亦得作

粥與癰熱食之治小兒十歲已下及新生百日無
問癰熱無辜癰癰等皆理之秘妙不可具言大效


宜州薑黃



黃薑州禮

金定四庫全書

卷九



薑黃味辛苦大寒無毒主心腹結積疰忤下氣破血除

風熱消癰腫功力烈於鬱金

唐本注云葉根都似鬱金花春生於根與苗並出夏

花喇無子根有黃青白三色其作之方法與鬱金同爾西戎人謂之達藥其味辛苦多與鬱金同惟花生異爾唐本先附臣禹錫等謹按陳藏器云薑黃真者是經種三年已上老薑能生花花在根際一如藁荷根節緊硬氣味辛辣種薑處有之終是難得性熱不冷本經云寒誤也破血下氣西蕃亦有來者與鬱金達藥相似如蘇所附即是達藥而非薑黃蘇不能分別二物也又云達味苦溫主惡氣疰忤心痛血氣結積蘇云薑黃是達又云鬱金是胡達夫如此則三物無別遞相連名總稱為達功狀則合不殊今達味苦色青薑黃味辛溫無毒色黃主破血下氣溫不寒鬱金味苦寒色赤主馬熱病三物不同所用各別日華子云薑黃熱無毒治癰疽血

塊癰腫通月經治撲損瘀血消腫毒止暴風痛冷氣
下食海南生者即名蓬莖遂江南生者即為薑黃

圖經曰

薑黃舊不載所出州郡今江廣蜀川多有之葉
青綠長一二尺許闊三四寸有斜文如紅蕉葉

而小花紅白色至中秋漸凋春未方生其花先生次方
生葉不結實根盤屈黃色類生薑而圓有節或云真者
是經種三年以上老薑能生花花在根際一如蘘荷根節
堅硬氣味辛辣種薑處有之八月採根片切暴乾蜀人
以治氣服及產後敗血攻心甚驗蠻人生噉云可以祛
邪辟惡謹按鬱金薑黃迷藥三物相近蘇恭不細辨所
說乃如一物陳藏器解紛云迷味苦色青薑黃味辛溫
色黃鬱金味苦寒色赤主馬熱病三物不同所用全別
又劉涓子注吳都賦薑彙非一云薑彙大如螺氣猛近
於臭南土人擣之以為薑菱一名廉薑生沙石中薑類
也其味大辛而香削皮以黑梅并鹽汁漬之乃成也始
妄有之據此廉薑亦是其類而自是一物耳都下近年

多種薑往往有薑黃生賣乃是老薑市人買生嗽
之云治氣為最醫家治氣藥大方中亦時用之


千金翼

瘡癰初生或始痛
痺以薑黃傳之妙

經驗後方

治心痛薑黃一兩桂櫟三
兩為末醋湯下一錢匕

瑞州草撥



葇撥味辛大溫無毒主溫中下氣補腰脚殺腥氣消食除胃冷陰疰瘕癖其根名葇撥沒主五勞七傷陰汗核腫生波斯國此藥叢生莖葉似蒟醬子緊細味辛烈於

蒟醬

今附臣禹錫等謹按日華子云治霍亂冷氣心痛血氣陳藏器云畢勃沒味辛溫無毒主冷氣嘔逆

心腹脹滿食不消寒疝核腫婦人內冷無子治腰腎冷除血氣生波斯國似柴胡黑硬葇撥根也

圖經曰

葇撥出波斯國今嶺南有之多生竹林內正月發苗作叢高三四尺其莖如筋葉青圓闊二三

寸如桑面光而厚三月開花白色在表七月結子如小指大長二寸已來青黑色類榧子九月收採灰殺暴乾南人愛其辛香或取葉生茹之黃牛乳煎其子治氣痢神良謹按唐太宗寶錄云貞觀中上以氣痢久未痊服

它名醫藥不應因詔訪求其方有衛士進乳煎草撥法
御用有劫劉禹錫亦記其事云後累試年長而虛冷者
劫必

海藥云

謹按徐表南州記本出南海長一指亦褐色
為上復有草撥短小黑味不堪舶上者味辛

溫又主老冷心痛小瀉虛痢嘔逆醋心產後洩痢與阿
魏和合良亦滋食味得訶子人參桂心乾薑治藏腑虛
冷腸鳴洩
痢神效

陳藏器云

茺蒿注蘇云草撥叢生子細味辛烈於茺蒿
按草撥溫中下氣補腰脾熱腥氣消食除胃

冷陰疝瘕癖根名草撥沒主五勞七傷陰汗核
腫已出拾遺生波斯國胡人將來此謂食用之

唐本注

今人以
調食味

雷公云

凡使先去涎用頭醋浸一宿焙乾以刀刮去皮粟子令淨方用免傷人肺令人上氣

聖惠方

治冷痰飲惡心用草撥一兩搗為末於食前清粥飲調半錢服

經驗後方


治偏頭疼絕妙草撥為末令患者口中含溫水左邊疼令左鼻吸一字右邊疼令右鼻吸

效一字

衍義曰

草撥走腸胃中冷氣嘔吐心腹滿痛多服走泄真氣令人腸虛下重

醬 菹



蒟

音短

醬味辛溫無毒主下氣溫中破痰積生已蜀

唐本注云

蜀都賦

所謂流味於番

蜀者蔓生葉似王瓜而厚大味

辛香實似桑椹

皮黑肉白西戎亦時將來細而辛烈或

謂二種

交州愛州人云蒟醬人家多種蔓生子長大謂

苗為浮留藤

取葉合攢椰食之辛而香也又有草撥叢

生子細味辛烈

於蒟醬此當信也

今注渝瀘等州

出焉唐本先附

圖經曰

蒟音短蒟醬生巴蜀今夔州嶺南皆有之昔漢武

來客曰

西北牂牁江廣數里出番禺城下武帝感之於

是開牂牁越郡也

劉涓子注蜀都賦云蒟醬緣木而生

其子如桑椹

熟時正青長二三寸以蜜藏而食之辛香

溫調五藏

今云蔓生葉似王瓜而厚大實皮黑肉白其

苗為浮留藤

取葉合攢椰食之辛而香也兩說大同小

異然則涪林所云乃蜀種如此

今說是海南所傳耳今

惟貴草撥而不尚
鉤鬻故鮮有用者

海藥云

謹按廣州記云波斯國文寶狀若桑椹紫褐
色者為上黑者是老不堪煎中亦有形狀相

似滋味一般主咳逆上氣心腹虫痛胃弱虛瀉
霍亂吐逆解酒食味近多黑色少見褐色者也

雷公云

凡使採得後以刀刮上麤皮使搗用生薑自然
汁拌之蒸一日了出日乾每修事五兩用生薑

汁五兩蒸
乾為度

食療

溫散結氣治心腹中冷氣亦名土革
撥嶺南草撥尤治胃氣疾巴蜀有之

齊民要術

鉤子下
氣消穀

蘿摩子味甘辛溫無毒主虛勞葉食之功同於子陸機

云一名芄蘭幽州謂之雀瓢

唐本注云按雀瓢是女青別名葉蓋相似以葉似女

青故兼名雀瓢今按陳藏器本草云蘿摩條中白汁主蜘蛛蠶咬折取汁點瘡上此汁爛絲煮食補益按陶注

枸杞條云傳腫東人呼為白環藤生蘿落間折有白汁一名雀瓢此注又云雀瓢是女青然女青終非白環二

物相似不能分別唐本先附臣禹錫等謹按爾雅云芄芄蘭釋曰芄一名芄蘭郭璞云芄芄蔓生斷之有白汁

可啖如此注則似芄芄一名蘭或傳寫誤芄衍字

外臺秘要

治白癰風以蘿摩草白汁傳上搗令破再傳三渡差

梅師方

治痰火毒過身亦腫不可忍以蘿摩草搗絞取汁傳之或搗傳上隨手消

青黛味鹹寒無毒主解諸藥毒小兒諸熱驚癇發熱人

行頭痛寒熱並水研服之亦摩傳熱瘡惡腫金瘡下血
蛇犬等毒從波斯國來及太原并廬陵南康等染澱亦
堪傳熱惡腫蛇虺螫毒染窠上池沫紫碧色者用之同

青黛功

今附臣禹錫等謹按藥性論云青黛君味甘平能解小兒疳熱消瘦殺蟲陳藏器云青黛并雞

子白大黃傳瘡癰蛇虺等

圖經

又具藍實條下

梅師方

治傷寒發脫豆瘡未成膿方以波斯青黛大棗許冷水研服

宮氣方

疳痢羸瘦毛焦方歌曰孩兒雜病變成疳不問強羸女與男恰似春傍多變動還如瘦疾困耽

鮑又歌曰煩熱毛焦鼻口乾皮膚枯槁四肢癱腹中時時更下痢青黃赤白一般般眼淚面黃鼻孔赤穀道開張不欲看忽然瀉下成疳淀又却濃涕一團團唇焦嘔逆不乳哺壯熱曾寒卧不安腹中有病須醫藥何須祈禱信神盤此方便是青黛散孩兒百病服來安

初虞世

治諸虫毒所傷青黛雄黃等分同研為末新汲水調下二錢匕

太平廣記

青黛殺惡蟲物化為水

衍義曰

青黛乃藍為之有一婦人患臍下腹上下運二陰通滿生濕瘡狀如馬瓜瘡他處並無熱痒而


痛大小便澁出黃汁食亦減身面微腫醫作惡瘡治用鰻鮓魚松脂黃丹之類藥塗瘡愈熱痛甚治不對故如此問之此人嗜酒貪啗喜魚蟹發風等物急令用溫水洗拭去膏藥尋以馬齒莧四兩爛研細入青黛一兩再

研勻塗瘡上即時熱減痛痒皆去仍服八政散日三服分敗客熱每塗藥得一時久藥性乾燥又再塗新濕藥凡如此三日減三分之一五日減三分之二自此二十日愈既愈而問曰此瘡何緣至此曰中下焦蓄風熱毒氣若不出當作腸癰內痔仍常須禁酒及發風物然不能禁酒後果然患內痔

欽定四庫全書

卷九

潮州鬱金



鬱金味辛苦寒無毒主血積下氣生肌止血破惡血

淋尿血金瘡

唐本注云此藥苗似薑黃花白質紅未秋出莖心無實根黃亦取四畔子根去皮火

乾之生蜀地及西戎馬藥用之破血而補胡人謂之馬迷嶺南者有實似小豆莢不堪用唐本先附臣禹錫等謹按藥性論云鬱金單用亦可治女人宿血氣心痛冷氣氣結聚溫醋摩服之亦啖馬藥用治脹痛

圖經曰

鬱金本經不載所出州土蘇恭云生蜀地及西戎胡人謂之馬迷今廣南江西州郡亦有之然

不及蜀中者佳四月初生苗似薑黃花白質紅未秋出莖心無實根黃亦取四畔子根去皮火乾之古方稀用今小兒方及馬醫多用之謹按許慎說文解字云鬱芳草也十葉為貫百二十貫藥以煮之為鬱鬱今鬱林郡也木部中品有鬱金香云生大秦國二月三月有花狀如紅藍其花即香也陳氏云為百草之英既云百草之

英乃是草類只與此同名而在木部非也
今人不復用亦無辨之者故但附於此耳

經驗方

治水血不定以一兩搗為末蔥白一握相和
以水一盞煎至三合去滓溫服日頃三服

經驗後方

治風痰鬱金一分荊蘆十分各為末和令勻
每服一字用溫漿水一盞先以少漿水調下

餘者水嗽口都
服便以食壓之

孫用和

治陽毒入胃下血頻疼痛不可忍鬱金五箇大
者牛黃一皂荚子別細研二末同為散每服用

醋漿水一盞同
煎三沸溫服

丹房鏡源云

灰可用
結砂子

說文曰

芳草也十葉為貫百叶貫築以煮之為鬱从白
日缶也其飾也一日鬱也百叶之華遠方鬱

人所貢芳州合
釀之以降神

周禮

鬱人凡祭祀
之祔用鬱鬯

衍義曰

鬱金不香今人將染婦人衣最鮮明然
不耐日矣染成衣則微有鬱金之氣

廣州盧會



盧會味苦寒無毒主熱風煩悶胃膈間熱氣明目鎮心

小兒癩癧驚風療五疳殺三蟲及痔病瘡癰解已豆毒

一名訥會一名奴會俗呼為象膽蓋以其味苦如膽故

也生波斯國似黑錫

今附臣禹錫等謹按藥性論云盧會亦可單用殺小兒疳疔主吹鼻

殺腦疳藻鼻痔南海藥譜云樹脂也本草不細委之謂是象膽殊非也兼治小兒諸熱

圖經曰

盧會出波斯國今惟廣州有采者其木生山野中滴脂淚而成採之不拘時月俗呼為象膽以

其味苦而云耳盧會治濕痺搔之有黃汁者劉禹錫著

其方云余少年曾患癰初在頸項間後延上左耳遂成

濕瘡用斑猫狗膽桃根等諸藥徒令蜚蠊其瘡轉盛偶於楚州賣藥人教用盧會一兩研炙甘草半兩末相和

今勺先以溫漿水洗癰乃用舊乾帛子拭乾便以二味合和傳之立乾便差神奇又治蠱齒崔元亮海上方云取盧會四分杵末先以鹽揩齒令洗淨然後傳少末於上妙也

雷公云

凡使勿用雜膽其象膽乾了上有青竹文斑并光膩微微甘勿便和衆藥搗此藥先搗成粉

待衆藥末出然後入藥中此物是胡人殺得白象取膽乾入漢中是也

馬先蒿味苦平無毒主寒熱鬼疰中風濕痺女子帶下

病無子一名馬屎蒿生南陽川澤

陶隱居云方云一名爛石草主惡瘡方藥

亦不復用唐本注云此葉大如茺蔚花紅白色實八月九月熟俗謂之虎麻是也一名馬新蒿所在有之茺蔚苗短小于夏中熟而初生三種極相似也今按別本注云近道處處有三月八月採莖葉陰乾臣禹錫等謹按

爾雅云蔚牡藟釋曰蔚即蒿之雄無子者又曰蔚一名牡藟詩蓼莪云匪莪伊蔚陸機云牡蒿也三月始生七月華華似胡麻華而紫亦八月為角角似小豆角角而長一名馬新蒿是也

圖經

文具第十一卷
中白蒿條下

聖惠方

治大風癰疾骨肉疽敗百節疼痛以馬先蒿細剉炒為末每空

心及曉食前溫酒調下二錢愈

外臺秘要

治癰馬先蒿一名馬矢蒿搗末服方寸匕日三服如更亦起一年都差

延胡索味辛溫無毒主破血產後諸病因血所為者婦人月經不調腹中結塊崩中淋露產後血暈暴血衡上

因損下血或酒摩及煮服生奚國根如半夏色黃

今附臣禹

錫等謹按日華子云除風治氣暖腰膝破癥癖撲損瘀血落胎及暴腰痛

海藥云

生奚國從安東道來味苦甘無毒主腎氣破產後惡露及兒枕與三稜鼈甲大黃為散能

散氣通經絡祛蟲成末者使之性良偏主產後病也

聖惠方

治產後穢污不盡腹滿方延胡索末和酒服一錢立止

又方

治墮落車馬筋骨疼痛不止用延胡索一兩搗羅為散不計時候以豆淋酒調下二錢匕

勝金方

治膜外氣及氣塊方延胡索不限多少為末猪胰一具切作塊子炙熟蘸藥末食之


產書

治產後心悶手脚煩熱氣力欲絕血暈連心頭硬及寒熱不禁延胡索熬搗為末酒服一錢匕

拾遺序云

延胡索止
心痛酒服

廣州肉豆蔻



肉豆蔻味辛溫無毒主鬼氣溫中治積冷心腹脹痛霍

亂中惡冷症嘔沫冷氣消食止洩小兒乳霍其形圓小

皮紫堅薄中肉辛辣生胡國胡名迦拘勒

今附臣禹錫等謹按藥性

論云肉豆蔻君味苦辛能主小兒吐逆不下乳腹痛治宿食不消痰飲日華子云調中下氣止瀉痢開胃消食

皮外絡下氣解酒毒

治霍亂味珍力更殊

圖經曰

肉豆蔻出胡國今惟嶺南人家種之春生苗花實似豆蔻而圓小皮紫緊薄中肉辛辣六月七

月採續傳信方治脾泄氣痢等以豆蔻二顆米醋調麴裏之置灰中煨令黃焦和麴碾末更以炒了獐子末一

兩相和又焦炒陳廩米為末每用二錢匕煎作飲調前二物三錢匕旦暮各一便差

陳藏器云

大舶來即有中國無

海藥云

謹按廣志云生秦國及崑崙味辛溫無毒主心腹虫痛脾胃虛冷氣併冷熱虛洩赤白痢等凡

痢以白粥飲服佳霍亂氣併以生薑湯服良

雷公云

凡使須以糯米作粉使熟湯搜裹豆蔻於塘灰中炮待米團子焦黃熟然後出去米其中有子

取用勿令犯銅

聖惠方

治冷痢腹痛不能食肉豆蔻一兩去皮以醋麴裹煨令麴熟為度擣為散非時粥飲下一錢匕

衍義曰

肉豆蔻對草豆蔻言之去殼只用肉肉油色者佳枯白味薄瘦虛者下等亦善下氣多服則泄

氣得中則和平其氣

梧 州 補 骨 脂



補骨脂味辛大溫無毒主五勞七傷風虛冷骨髓傷敗
腎令精流及婦人血氣墮胎一名破故紙生廣南諸州
及波斯國樹高三四尺葉小似薄荷其舶上來者最佳
今附臣禹錫等謹按藥性論云婆固脂一名破故紙味
苦辛能主男子腰疼膝冷囊濕逆諸冷痺頑止小便利
腹中冷日華子云興陽事治冷勞明耳目南蕃
者色赤廣南者色綠入藥微炒用又名胡韭子

圖經曰

補骨脂生廣南諸州及波斯國今嶺外山坡間
多有之不及蕃舶者佳莖高三四尺葉似薄荷

花微紫色實如麻子圓扁而黑九月採或云胡韭子也
胡人呼若婆固脂故別名破故紙今人多以胡挑合服
此法出於唐鄭相國自叙云予為南海節度年七十有
五越地卑濕傷於內外衆疾俱作陽氣衰絕服乳石補

益之藥百端不應元和七年有訶陵國舶主李摩訶知予病狀遂傳此方并藥予初疑而未服摩訶稽顙固請遂服之經七八日而覺應驗自爾常服其功神驗十年二月罷郡歸京錄方傳之破故紙十兩淨擇去皮洗過搗篩令細用胡椒和攪令勻如飴糖盛於瓷器中且日以暖酒二合調藥一匙服之便以飯壓如不飲人以煖熟水調亦可服彌久則延年益氣悅心明日補添筋骨但禁食芸臺羊血餘無忌此物本自外蕃隨海舶而來非中華所有蕃人呼為補骨脂語訛為破故紙也續傳信方載其事其義頗詳故并錄之

海藥云

惡甘草

雷公云

凡使性本大燥毒用酒浸一宿後漉出却用東流水浸三日夜却蒸從已至中出日乾用

經驗後方

治腰疼神妙用破故紙
為末溫酒下三錢匕

又方

治男子女人五勞七傷下元久冷烏髭鬢一切風
病四肢疼痛駐顏壯氣補骨脂一斤酒浸一宿放

乾却用烏油麻一升和炒令麻子聲絕即搗去只取補
骨脂為末醋煮麴丸如梧子大早辰溫酒鹽湯下二

九十

蒙州零陵香



香陵零州濠

金匱要略卷九

卷九



零陵香味甘平無毒主惡氣症心腹痛滿下氣令體香
和諸香作湯丸用之得酒良生零陵山谷葉如羅勒南
越志名燕草又名薰草即香草也山海經云薰草麻葉
方莖氣如薜蘿可以止癘即零陵香也

今附臣禹錫等謹按陳藏器云

薰草明目止淚療洩精去邪惡氣傷寒頭疼一名蕙草
生下濕也三月採陰乾脫節者良按薰草即蕙根也葉
如麻兩兩相對此即是零陵香也
日華子云治血氣腹脹酒煎服莖葉

圖經曰

零陵香生零陵山谷今湖嶺諸州皆有之多生
下濕地葉如麻兩兩相對莖方氣如薜蘿常以

七月中旬開花至香古所謂薰草是也或云蕙草亦此
也又云其莖葉謂之蕙其根謂之薰三月採脫節者良

今嶺南收之皆作霍竈以火炭焙乾令黃色乃佳江淮間亦有土生者作香亦可用但不及湖嶺者芬薰耳古方但用薰草而不用零陵香今合香家及面膏澡豆諸法皆用之都下市肆貨之甚多

唐本注

生水山間可和諸香煮汁飲之亦宜合衣中香

海藥云

謹按山海經生廣南山谷陳氏云地名零陵故以地為名味辛溫無毒主風邪衝心牙車腫痛

虛勞疳蠱凡是齒痛煎含良得升麻細辛善不宜多服令人氣喘

衍義曰

零陵香至枯乾猶香入藥絕可用婦人浸潤飾髮香無以加此即蕙草是也

新州縮沙蜜



縮沙蜜味辛溫無毒主虛勞冷瀉宿食不消赤白洩痢

腹中虛痛下氣生南地苗似廉薑形如白豆莢其皮緊

厚而皺黃赤色八月採

今附臣禹錫等謹按藥性論云縮沙蜜君出波斯國味苦辛能

主冷氣腹痛止休息氣痢勞損消化水穀溫暖脾胃治冷滑下痢不禁虛羸方曰熬末以羊子肝薄切用末逐片糝丸上焙乾為末入乾薑末飯為丸日二服五十丸又方炮附子末乾薑厚朴陳橘皮等分為丸日二服四十丸陳藏器云縮沙蜜味酸主上氣欬嗽奔豚鬼疰驚癇邪氣似白豆莢子蒿陽子曰止痢味辛香日華子云治一切氣霍亂轉筋肚腹病能起酒香味

圖經曰

縮沙蜜生南地今惟嶺南山澤間有之苗莖似高良薑高三四尺葉青長八九寸闊半寸已來

三月四月開花在根下五六月成實五七十枚作一穗狀似益智皮緊厚而皺如栗文外有刺黃赤色皮間細子一團八漏可四十餘粒如黍米大微黑色七月八月採

海藥云


今按陳氏生西海及西戎諸國味辛平鹹得訶子鼈甲豆鼈白蕪萸寄良多從安東道來

孫尚藥

治婦人妊娠偶因所觸或墜高傷打致胎動不安腹中痛不可忍者縮沙不計多少熨斗內盛

慢火炒令熟透去皮用仁搗羅為末每服二錢用熱酒調下須臾覺腹中胎動處極熱即胎已安神效

端州蓬莪茂



溫州蓬莪茂



蓬莪茂味苦辛溫無毒主心腹痛中惡疰忤鬼氣霍亂

冷氣吐酸水解毒食飲不消酒研服之又療婦人血氣

丈夫奔狔生西戎及廣南諸州子似乾樵葉似藁荷茂在根下並生一好一惡

惡者有毒西戎人取之先放羊食羊不食者棄之今附臣禹錫等謹按陳藏器云一名蓬莪黑色二名蓬黃色

三名鬼殺味甘有大毒藥性論云蓬莪茂亦可單用能治女子血氣心痛破症癖冷氣以酒醋摩服効曰華子

云得酒醋良治瘀血氣開胃消食通月經消瘀血止撲損痛下血及內損惡血等此即是南中薑黃根也

圖經曰蓬莪茂生西戎及廣南諸州今江浙或有之三月生苗在田野中其莖如錢大高二三尺葉青

白色長一二尺大五寸已來頗類藁荷五月有花作穗黃色頭微紫根如生薑而莪在根下似雞鴨卵大小不

常九月採削去麕皮蒸熟暴乾用凡物極堅硬難搗治用時熱灰火中煨令透熟乘熱入臼中搗之即碎如粉古方不見用者今醫家治積聚諸氣為最要之藥與京三稜同用之良婦人藥中亦多使

雷公云

凡使於砂盆中用醋磨令盡然後於火畔吸令乾重篩過用

十全博救方

治小兒氣候止疼蓬莪炮候熱膏為末用一大錢熱酒調下

孫用和

正元散治氣不接續氣短兼治滑泄及小便數王丞相服之有驗蓬莪一兩金鈴子去核一

兩右件為末更入鵬砂一錢煉過研細都勻每服二錢鹽湯或溫酒調下空心服

積雪草



積雪草味苦寒無毒主大熱惡瘡癰疽浸淫赤燂皮膚

赤身熱生荊州川谷

陶隱居云方藥亦不用想此草當寒冷爾唐本注云此草葉圓如錢

大莖細勁蔓延生溪澗側擠傳熱腫丹毒不入藥用荊楚人以葉如錢謂為地錢草徐儀藥圖名連錢草生處亦稀今按陳藏器本草云積雪草主暴熱小兒丹毒寒熱腹內熱結擠絞汁服之又按別本注云今處處有並入藥用生陰濕地八月九月採苗葉陰乾臣禹錫等謹按藥性論云連錢草亦可單用能治療癰鼠漏寒熱時節來生日華子云味苦辛以鹽接貼消腫毒并風癰疥癬

圖經曰

積雪草生荊州川谷今處處有之葉圓如錢大莖細而動蔓延生溪澗之側荊楚人以葉如錢

謂為地錢草徐儀藥圖名連錢草八月九月採苗葉陰乾用取成式酉陽雜俎云地錢葉圓莖細有蔓一日積

雪草一曰連錢草謹按天寶單行方云連錢草味甘平無毒元生咸陽下濕地亦生臨淄郡濟陽郡汜澤中甚香俗間或云圓葉似薄荷江東吳越丹陽郡極多彼人當充生菜食之河北柳城郡盡呼為海蘇好近水生經冬不死成落二京亦有或名胡薄荷所在有之單服療女子小腹痛又云女子忽得小腹中霜月經初來便覺腹中切痛連脊間如刀錐所刺忍不可堪者衆醫不別謂是鬼症妄服諸藥終無所益其疾轉增審察前狀相當即用此藥其藥夏五月正放花時即採取暴乾搗篩為散女子有患前件病者取二方寸匕和好醋二小合攪令勻平旦空腹頓服之每日一服以知為度如女子先冷者即取前件藥五兩加挑仁二百枚去尖皮熬搗為散以蜜為丸如梧子大每日空腹以飲及酒下三十九日再服以疾愈為度忌麻子蕎麥

陳藏器云

東人呼為連錢生陰處蔓延地葉如錢

衍義

曰

積雪草

今南方

多有生

陰濕地

不必

荆楚

形如

錢


連

錢


如

草蓋取象也葉葉各生擣爛貼一切熱毒癰疽等秋後收之陰乾為末水調傳

越州白前



舒州白前



白前味甘微溫

臣禹錫等謹按蜀本云微寒

無毒主胃脇逆氣欬嗽

上氣

陶隱居云此藥出近道似細辛而大色白易折主氣嗽方多用之唐本注云此藥葉似柳或似芫花

苗高尺許生洲渚沙磧之上根白長拾細辛味甘俗以酒漬服主上氣不生近道俗名石藍又名嗽藥今用蔓

生者味苦非真也今按別本注云二月八月採根陰乾根似牛膝白薇臣禹錫等謹按藥性論云白前臣味辛兼主一切氣目華子云治貴

批腎氣肺氣煩悶反上氣

圖經曰

白前舊不載所出州土陶隱居云出近道今蜀中及淮淅州郡皆有之苗似細辛而大色白易

折亦有葉似柳或似芫花苗者並高尺許生洲渚沙磧之上根白長而細辛亦似牛膝白薇輩今用蔓生者味苦非真也二月八月採根暴乾深篩療久欬逆上氣體腫短氣脹滿晝夜倚立不得卧常作水雞聲者白前湯主

之白前二兩紫苑半夏此各三兩大戟七合切四物以水一斗漬一宿明且煮取三升分三服禁食羊肉錫大佳

唐本云

微寒主上氣衝喉中呼吸欲絕

雷公云

凡使先用生甘草水浸一伏時後漉出去頭鬚了焙乾任入藥中用

梅師方

治久患喉呬效嗽喉中作聲不得眠取白前搗為末溫酒調二錢上服

衍義曰

白前保定肺氣治嗽多用白而長於細辛但麤而脆不似細辛之柔以溫藥相佐使則尤佳餘

如法


潤州薺



蜀州薺

金匱要略卷之九

卷九



薺芫味甘寒主解百藥毒

陶隱居云根莖都似人參而葉小異根味甜絕能殺毒以

其與毒藥共處而毒皆自然歇不正入方家用也今檢別本注云根似桔梗以無心為異無毒二月八月採根暴乾臣禹錫等謹按爾雅云芫蓂芫釋曰芫一名蓂芫郭云薺芫也日華子云薺芫殺蠱毒治蛇蟲咬熱狂溫疾瘡毒箭

圖經曰

薺芫舊不載所出州土今川蜀江浙皆有之春生苗莖都似人參而葉小異根似桔梗根但無

心為異潤州尤多人家收以為果菜或作脯噉味甚甘美二月八月採根暴乾古方解五石毒多生服薺芫汁良又小品方療蠱取薺芫根搗末以飲服方寸匕立差

食療云

丹石發動取根食之尤良

千金翼

封丁腫取生薺芩根汁
一合去滓傳不過三

食醫心鏡

薺芩主利肺氣和中明目止痛
蒸切作羹粥食之薺莖亦得

金匱玉函方

鈎吻葉與片葉相似誤食之殺人薺芩
八兩水六升煮取三升為兩服解之

胡野僉載

野猪中毒藥箭
多食此物愈

別說云

今多以蒸壓偏亂
人參但味淡耳

衍義曰

薺芩今陝州採為脯別有法甚甘美兼可寄遠
古人以謂薺芩似人參者是此解藥毒甚驗


洪州白藥



施州小赤藥

金匱要略


卷九




興元府白藥



施州白藥



臨江軍白藥



白藥味辛溫無毒主金瘡生肌出原州

唐本注云三月苗生葉似苦苣

四月抽赤莖花白根皮黃八月葉落九月枝折採梗日乾今按別本注云解野葛生金巴豆藥毒刀斧折傷能止血痛乾末傅之唐本先附臣禹錫等謹按藥性論云白藥亦可單用味苦能治喉中熱寒噎痺不通胃中隘塞咽中常痛腫脹日華子云白藥能消痰止咳治渴井吐血喉閉消腫毒又云剪草涼無毒治惡瘡疥癬風瘙

根名
白藥

圖經曰

白藥出原州今變施江西嶺南亦有之三月生苗似苦苣葉四月而赤莖長似蒟蒻蔓七月開

白花八月結子亦名蒟蒻九月採根以水洗切碎暴乾名白藥子江西出者葉似烏白子如菜豆至八月其子

變成赤色施州人取根并野貓尾二味洗淨去麤皮焙乾等分停搗後酒調服錢匕療心氣痛解熱毒甚効又

諸瘡癰腫不散者取生根爛搗傳貼乾則易之無生者
用末水調塗之亦可崔元亮海上方治一切天行取白
藥研如麴漿水一大盞空腹頭服之便即卧一食頃候
心頭悶亂或惡心腹內如車鳴病刺痛良久當有吐利
數行勿怪欲服藥時先令煮漿水粥於升中懸著待
冷若吐利過度即喫冷粥一碗止之不喫即因人

經驗後方


治妊婦傷寒護胎以白藥子不拘多少為末用雞子清調攤於紙花上可抗來大貼

在臍下胎存生處
乾即以溫水潤之

衍義曰

白藥今為治馬
肺熱藥有効

草 薺



蒺藜

紅音

草味鹹微寒無毒主消渴去熱明目益氣一名鴻

藟

音

如馬蓼而大生水傍五月採實

陶隱居云此類甚多今生下濕地極

似馬蓼甚長大詩稱隰有遊龍注云蒺藜草郭景純云即龍古也今按別本注云此即水紅也以為湯浸療腳氣臣禹錫等謹按爾雅云紅龍古其大者藟疏引陸機云一名馬蓼葉大而赤白色生水澤中高丈餘郭云俗呼紅草為龍古語轉耳

圖經曰

蒺藜即水紅也舊不著所出州郡云生水傍今所在下濕地皆有之似蓼而葉大赤白色高丈

餘爾雅云紅龍古其大者藟疏云隰有遊龍是也陸機云一名馬蓼本經云似馬蓼而大若然馬蓼自是一種也五月採實今亦稀用但取根莖作湯去脚氣耳

陳藏器

云作湯浸水
氣惡瘡腫佳

唐本注

云有毛花紅白除惡瘡腫
脚氣煮濃汁漬之多差

衍義

文具水
蓼條下


欽定四庫全書

卷九

草 莎



澧州莎草



莎草根味甘微寒無毒主陰胃中熱充皮毛久服令人

益氣長鬚眉一名蒿

音號

一名侯莎其實名緹生田野二

月八月採

陶隱居云方藥亦不復用

離騷云青莎雜樹繁草靈音髓靡音美古人為詩多用之而無

識者乃有鼠蓑療體異此唐本注云此草根名香附子一名雀頭香大小氣除胃腹中熱所在有之莖葉都似三稜根若附子周匝多毛交州者最勝大者如棗近道者如杏仁許荆襄人謂之莎草根合和香用之

圖經曰

莎草根又名香附子舊不著所出州土但云生田野今處處有之或云交州者勝大如棗近道者

如杏仁許苗莖葉都似三稜根若附子周匝多毛今近道生者苗葉如薤而瘦根如筍頭大二月八月採謹按天寶單方圖載水香稜功狀異此頗相類但味差不同其方云水香稜味辛微寒無毒性滋元生博平郡池澤

中苗名香稜根名莎結亦名草附子河南及淮南下濕地即有名水莎龍西謂之地賴根蜀郡名續根草亦名水已戟今浩都最饒名三稜草用莖作鞋履所在皆有單服療肺風又云其藥療丈夫心肺中虛風及客熱勝脫間連脅下時有氣妨皮膚瘙癢癰瘡飲食不多日漸瘦損常有憂愁心忪少氣等並春收苗及花陰乾入冬採根切貯於風涼處有患前病者取苗二十餘斤剉以水二石五斗煮取一石五斗於浴斛中浸身令汗出五六度浸兼浴其肺中風皮膚痒即止每載四時常用則應瘡風求差其心中客熱勝脫間連脅下氣妨常日憂愁不樂兼心忪者取根二大斤切熬令香以生絹袋盛貯於三大斗無灰清酒中浸之春三月浸一日即堪服冬十月後即七日近暖處乃佳每空腹服一盞日夜三四服之常令酒氣相續以知為度若不飲酒即取根十兩加桂心五兩蕪荑三兩和搗為散以蜜和為丸搗一千杵丸如梧子大每空腹以酒及薑蜜湯飲汁等下二

十九日再服漸加至三十凡以差為度

雷公云

凡採得後陰乾於石臼中搗勿令犯鐵用之切忌爾

衍義曰

莎草其根上如棗核者又謂之香附子亦入印香中亦能走氣今人多用雖生於莎草根然根

上或有或無有薄皺皮紫黑色非多毛也刮去皮則色白苦便以根為之則誤矣其味苦

廣州華澄茄



葦澄茄味辛溫無毒主下氣消食皮膚風心腹間氣脹

令人能食療鬼氣能染髮及香身生佛誓國似梧桐子

及蔓荊子微大亦名毗陵茄子

今附臣禹錫等謹按日華子云治一切氣并霍

亂瀉脹腹痛腎氣勝脫令

圖經曰

葦澄茄生佛誓國今廣州亦有之春夏生葉青滑可愛結實似梧桐子及蔓荊子微大八月九

月採之今醫方脾胃藥中多用又治傷寒欬噎日夜不定者其方以葦澄茄三分高良薑三分二物搗羅為散每服二錢水六分煎十餘沸入少許醋攪勻和滓如茶熱呷

海藥云

謹按廣志云生諸海嫩胡椒也青時就樹採摘造之有柄鹿而蒂圓是也其味辛苦微溫

無毒主心腹卒痛霍亂吐瀉痰癖
冷氣古方備用茶髮不用治病也

雷公云

凡使採得後去柄及皺皮再用酒
浸蒸從已至酉出細杵任用也

欽定四庫全書

卷九

廣州胡黃連



胡黃連味苦平無毒主久痢成疳傷寒欬溫瘧骨熱
理腰腎去陰汗小兒驚癇寒熱不下食霍亂下痢生胡

國似乾楊柳心黑外黃一名割狐露澤

附今

圖經曰

胡黃連生胡國今南海及秦隴間亦有之初生似蘆乾似楊柳枯枝心黑外黃不拘時月收採

今小兒藥中多用之又治傷寒勞復身熱大小便赤如血色者胡黃連一兩山梔子二兩去皮入蜜半兩拌和炒令微焦二味搗羅為末用猪腸汁和丸如梧桐子大每服用生薑二片烏梅一箇童子小便三合浸半日去滓食後煖小便令溫下

十丸臨卧再服甚效

唐本云

大寒主骨蒸勞熱補肝膽明目治冷熱洩痢
益顏色厚腸胃治婦人胎蒸虛驚治三消五

痔大人五心煩熱出波斯國生海畔陸地八月上旬採
惡菊花玄參白蘚皮解已豆毒服之忌猪肉令人漏精
以人乳浸點目甚良苗若夏枯草根
頭似鳥觜折之肉似鸛鵒眼者良

孫尚藥

治小兒盜汗潮熱佳來南蕃胡黃連柴胡等分
羅極細煉蜜和丸如雞頭大每服一九至三九

銀器中用酒少許化開更入水五分
重湯煮三二十沸放溫食後和滓服

別說云

謹按胡黃連折之
處出如煙者為真

船底苔冷無毒治鼻洪吐血淋疾以炙甘草并豉汁濃
煎湯旋呷又主五淋取一團鴨子大煮服之又水中細

苔主天行病心悶擣絞汁服

新補見孟詵陳
藏器日華子

陳藏器云

主五淋取一鴨卵
大塊水煮服之

聖惠方

治乳石發動小便淋澀不通
心神悶亂用船底青苔如半雞子大以水一大盞煎至五分去滓

溫服日
三四服

子母秘要

小兒亦遊行於體上下至心
即死水中苔搗末傳上良

紅豆蔻味辛溫無毒主腸虛水瀉心腹攪痛霍亂嘔吐

酸水解酒毒不宜多服令人舌竈不思飲食云是高良

薑子其苗如蘆葉似薑花作穗嫩葉卷而生微帶紅色

生南海諸谷

今附臣禹錫等謹按藥性論云紅豆蔻亦可單用味苦辛能治冷氣腹痛消瘴霧氣

毒去宿食溫腹
腸吐瀉痢疾

海藥云

擇嫩者加入鹽梟梟作朶不散落須以朱槿
令色深善醒於醉解酒毒此外無諸要使也

廣州蔣蘿



時蘿味辛溫無毒主小兒氣脹霍亂嘔逆腹冷食不下

兩肋痞滿生佛誓國如馬片子辛香亦名慈謀勒

今附臣禹

錫等謹按日華子云健脾胃氣溫腸殺魚肉毒補水藏及壯筋骨治腎氣

圖經曰

時蘿出佛誓國今嶺南及近道皆有之三月四月生苗花實大類蛇牀而香辛六月七月採實

今人多以和五味不聞入藥用

海藥云

謹按廣州記云生波斯國馬片子即黑色而重時蘿子即褐色而輕主腸氣消食溫胃善

滋食味多食無損即不可與阿魏同合奪其味爾

艾納香味甘溫無毒去惡氣殺蟲主腹冷洩痢廣誌曰

出西國似細艾又有松樹皮綠衣亦名艾納可以和合
諸香燒之能聚其煙青白不散而與此不同也

今附臣禹錫等

謹按古樂府詩云行胡從何方列國持何來
攬攬攬攬五木香迷迭艾納與都梁是也

陳藏器


云主癰
辟蛇

海藥云

謹按廣志云生剽國溫平主傷寒五洩主心腹
注氣下寸白止腸鳴燒之辟溫疫合蠶窠浴脚

良氣甚

文州甘松香



甘松香味甘溫無毒主惡氣卒心腹痛滿兼用合諸香

叢生葉細廣誌云甘松香出姑臧今附臣禹錫等謹按日華子云治心腹脹

下氣作浴湯

令人身香

圖經曰

甘松香出姑臧今黔蜀州郡及遼州亦有之叢生山野葉細如茅草根極繁密八月採作湯浴

令人體香

陳藏器

云叢生葉細出涼州

海藥云

謹按廣志云生涼州苗細引蔓而生又陳氏云生黑皮黔祛風疳齒墜野雞痔得白芷附子良

合諸香反衰衣妙也

垣衣味酸無毒主黃疸心煩欬逆血氣暴熱在腸胃金
瘡內塞久服補中益氣長肌好顏色一名昔邪一名烏
韭一名垣膏一名天韭一名鼠韭生古垣牆陰或屋上

三月三日採陰乾

陶隱居云方藥不甚用俗中少見有
者離騷亦有昔邪或云即是天蒜爾

唐本注云此即古牆北陰青苔衣也其生石上者名昔
邪一名烏韭江南少牆陶故云少見本經載之屋上者

名屋遊在下品形並相似為療畧同別錄云主暴風口
噤金瘡酒漬服之效臣禹錫等謹按日華子云垣衣冷

又云地衣冷微毒治卒心痛中惡以人垢膩為丸服七
粒此是陰濕地被日曬起苔蘚是也并生油調傳馬皮

良諸瘡

圖經

文具海藻條下

陟釐

音禹

味甘大溫無毒主心腹大寒溫中消穀強胃氣

止洩痢生江南池澤

陶隱居云此即南人用作紙者方家惟合斷下藥用之唐本注云此

物乃水中苔今取以為紙名苔紙青黃色體澁小品方云水中麤苔也范東陽方云水中石上生如毛綠色者

藥對云河中側梨側梨陟釐聲相近也王子年拾遺云張華撰博物志上晉武帝嫌繁命削之賜華側理紙萬

張子年云陟釐紙也此紙以水苔為之漢人語訛謂之側理也今按別本注云此即石髮也色類似苔而麤澁

為異且水苔性冷陟釐甘溫明其陟釐與苔全異池澤中石上名陟釐浮水中者名苔爾


圖經

文具海藻條下

衍義曰

陟釐令人事治音訖為苦脯堪啗京城市中
甚多然治渴疾仍須禁食鹽餘方家亦罕用

鳧 葵



鳧葵味甘冷無毒主消渴去熱淋利小便生水中即荅

音杏菜也

一名接余

唐本注云南人名猪蓴堪食有名未用條中載也今按別本注云即荇菜

也生水中菜似蓴莖澁根極長江南人多食云是猪蓴全為誤也猪蓴與絲蓴並二種以春夏細長肥滑為絲蓴至冬短為猪蓴亦呼為龜蓴此與鳧葵殊不相似也南人擠汁服之療寒熱也唐本先附臣禹錫等謹按日華子云猪蓴解毒蠱毒毒藥絲蓴已見蓴條解之今據唐本注云有名未用條中載也而尋有名未用條中即無鳧葵猪蓴蓋經開實詳定已刪去也

圖經曰

鳧葵即荅菜也舊不著所出州土云生水中今處處池澤皆有之菜似蓴莖澁根甚長花黃色

水中極繁盛謹按爾雅荅謂之接余其葉謂之荇郭璞以為叢生水中葉圓在莖端長短隨水深淺江東人食

之詩周南所謂參差荇菜是也陸機云白莖葉紫赤色正圓徑寸餘浮在水上根在水底大如釵股上青下白鬻其白莖以苦酒浸脆美可以按酒今人不食醫方亦鮮用

女茺味辛溫無毒主風寒雜症霍亂洩痢腸鳴上下無

常處驚癇寒熱百疾療肺傷欬逆出汗久寒在膀胱支

滿飲酒夜食發病一名白茺一名織女茺一名茆音生

漢中川谷或山陽正月二月採陰乾畏鹵鹹陶隱居云比來醫方都無復

用之市人亦少有便是欲絕別復有白茺似紫茺非此之別名也唐本注云白茺即女茺更無別者有名未用

中浪出一條無紫茺時亦用之功效相似也臣禹錫等今據有名未用中無白茺者蓋唐修本草時刪去爾

衍義曰

女苑一名白苑或者謂為二物非也唐刪去白苑之條甚合宜陶能言不能指說性狀餘從經

中所說甚明
今直取經

王孫味苦平無毒主五藏邪氣寒濕痺四肢疼酸膝冷

痛療百病益氣吳名白功草楚名王孫齊名長孫一名

黃孫一名黃昏一名海孫一名蔓延生海西川谷及汝

南城郭垣下

陶隱居云今方家皆呼名黃昏又云牡蒙市人亦少識者唐本注云小品述本草牡

蒙一名王孫藥對有牡蒙無王孫此則一物明矣又主金瘡破血生肌肉止痛赤白痢補虛益氣除脚腫發陰

陽也臣禹錫等謹按蜀本注云葉似及已而大根長尺餘皮肉亦紫色

土馬駿治骨熱敗煩熱毒壅衄鼻所在背陰古牆垣上有之歲多雨則茂盛世人或便以為垣衣非也垣衣生垣牆之側此物生垣牆之上北垣衣更長大抵苔之類也以其所附不同故立名與主療亦異在屋則謂之屋遊瓦苔在牆垣則謂之垣衣土馬駿在地則謂之地衣在井則謂之井苔在水中石上則謂之陟釐土馬駿近世常用而諸書未著故附新定條焉

新定

蜀羊泉味苦微寒無毒主頭禿惡瘡熱氣疥瘙癬癰蟲

療齧齒女子陰中內傷皮間實積一名羊泉一名羊飴

生蜀郡川谷

陶隱居云方藥亦不復用彼土人時有採識者唐本注云此草俗名漆姑葉似菊花

紫色子類枸杞子根如遠志無心有稜苗主小兒驚兼療漆瘡生毛髮所在平澤皆有之今按別本注云今處

處有生陰濕地三月四月採苗葉陰乾之

菟葵味甘寒無毒主下諸石五淋止虎蛇毒

唐本注云苗如石龍

蒿葉光澤花白似梅莖紫色煮汁極滑堪噉爾雅釋草一名菟葵所在平澤皆有田間人多識之今按別本注云

蛇虎毒諸瘡搗汁飲之及塗瘡能解毒止痛六月七月採莖葉暴乾唐本先附臣禹錫等謹按爾雅云菟葵

注頗似葵而小葉狀如藜有毛灼啖之滑疏灼煮也

圖經

文具第三十
卷冬葵條下

衍義曰

菟葵綠葉如黃蜀葵花似柳霜甚雅形如至小者初開單葉蜀葵有檀心色如牡丹姚黃藥則

蜀葵也

唐劉夢得還京云唯
菟葵燕麥動搖春風者是也

薺草味甘寒無毒主暴熱喘息小兒丹腫一名薺榮生

水傍

唐本注云葉圓似澤瀉而小花青白亦堪噉所在有之今按別本注云江南人用蒸魚食之甚美五

月六月採莖葉
暴乾唐本先附

欽定四庫全書

卷九

滁 州 鱧 腸



腸 鱧



鱧腸味甘酸平無毒主血痢針灸瘡發洪血不可止者

傳之立已汁塗髮眉生速而繁生下濕地

唐本注云苗似旋復一名

蓮子草所在坑渠間有之今按別本注云二月八月採陰乾唐本先附臣禹錫等謹按蕭炳云作膏點鼻中添

腦日華子云排膿止血通小腸長鬚髮傳一切瘡并驚癇

圖經曰

鱧腸即蓮子草也舊不載所出州郡但云生下濕地今處處有之南方尤多此有二種一種葉

似柳而光澤莖似馬齒莧高一二尺可花細而白其實若小蓮房蘇恭云苗似旋復者是也一種苗梗枯瘦頗似蓮花而黃色實亦作房而圓南人謂之蓮翹者三種摘其苗皆有汁出須臾而黑故多作烏髭髮藥用之俗謂之旱蓮子二月八月採陰乾亦謂之金陵草見孫思邈千金月令云益髭髮變白為黑金陵草煎方金陵草

一秤六月以後收採揀擇無泥土者不用洗須青嫩不雜黃葉乃堪爛擣研新布絞取汁又以紗絹濾令滓盡內通油器鉢盛之日中煎五日又取生薑一斤絞汁白蜜一斤合和日中煎以柳木篦攪勿停手令勻調又置日中煎之令如稀飴為藥成矣每旦日及午後各服一匙以溫酒一盞化下如欲作丸日中再煎令可凡大如梧子依前法酒服三十九及

時多合製為佳其效甚速

爵牀味鹹寒無毒主腰痛不得著牀俛仰艱難除熱

可作浴湯生漢中川谷及田野

唐本注云此草似香菜葉長而大或如荏且細

生平澤熟田近道傍甚療血脈下氣又主杖瘡汁塗立差俗名赤眼老母草今按別本注云今人名為香蕪

井中苔及萍大寒主漆瘡熱瘡水腫井中藍殺野葛已

豆諸毒

陶隱居云廢井中多生苔萍及磚土間生雜草菜藍既解毒在井中者彌佳不應復別是一種

名井中藍井底泥至冷亦療湯火灼瘡井華水又服鍊法用之臣禹錫等謹按蜀本云井中苔及萍味苦日華

子云
無毒

圖經

文具海
藻條下




丹州茅香



奇 嵐 軍 茅 香



滑州茅香



茅香花味苦溫無毒主中惡溫胃止嘔吐療心腹冷痛

苗葉可煮作浴湯辟邪氣令人身香生劔南道諸州其

莖葉黑褐色花白即非白茅香也

今附臣禹錫等謹按陳藏器云茅香味甘

平生安南如茅根日華子云白茅香花塞鼻洪傳久不合炙瘡署刀箭瘡止血并痛煎湯止吐血鼻衄

圖經曰

茅香花生劔南道諸州今陝西河東京東州郡亦有之三月生苗似大麥五月開白花亦有黃

花者或有結實者亦有無實者並正月二月採根五月採花八月採苗其莖葉黑褐色而花白者名曰茅香也

陳藏器

白茅香味甘平無毒主惡氣令人身香美煮服之主腹內冷痛生安南如毛根作浴用之

海藥云

謹按廣志云生廣南山谷味甘平無毒主小兒通身瘡癩以批葉同煮浴之合諸名香甚奇妙

尤勝船
上來者

肘後方

治熱淋取白茅根四斤剉之以水一斗五升煮取五升令冷仍煖飲之日三服

又方

諸竹木刺在肉中不出取白茅根燒末脂膏和塗之亦治因風致腫

衍義曰

茅香花白根如茅但明潔而長皆可作浴湯同藁本尤佳仍入印香中合香附子用

馬蘭味辛平無毒主破宿血養新血合金瘡斷血痢蠱

毒解酒疸止鼻衄吐血及諸菌毒生搗傅蛇咬生澤傍

如澤蘭氣臭楚詞以惡草喻惡人北人見其花呼為紫

菊以其花似菊而紫也又山蘭生山側似劉寄奴葉無

極不對生花心微黃赤亦大破血下俚人多用之

新補見陳

藏器及
日華子

圖經

文具澤
蘭條下

眉州使君子



使君子味甘溫無毒主小兒五疳小便白濁殺蟲療瀉痢生眉廣等州形如梔子稜瓣深而兩頭尖亦似訶梨勒而輕俗傳始因潘州郭使君療小兒多是獨用此物

後來醫家因號為使君子也

附今

圖經曰

使君子生交廣等州今嶺南州郡皆有之生山野中及水岸其葉青如兩指頭長二寸其莖作

藤如千指三月生花淡紅色久乃深紅有五瓣七八月結子如拇指長一寸許大類梔子而有五稜其殼青黑

色內有仁白

色二月採實

衍義曰

使君子紫黑色四稜高瓣深今經中謂之稜瓣深似令人難解秋末冬初人將入鼎澧其仁味

如椰子肉經不言用仁為復用皮今按文味甘
即是用肉然難得仁蓋絕小今醫家或兼用殼

乾苔味鹹寒

溫一云

主痔殺蟲及霍亂嘔吐不止煮汁服

之又心腹煩悶者冷水研如泥飲之即止又發諸瘡疥

下一切丹石殺諸藥毒不可多食令人痿黃少血色殺

木蠹蟲內木孔中但是海族之流皆下丹石

新補見孟
說陳藏器

日華
子

百脈根味甘苦微寒無毒主下氣止渴去熱除虛勞補

不足酒浸若水煮丸散兼用之出肅州已酉

唐本注云
葉似首蓿

花黃根如遠志二月八
月採根日乾唐本先附

廣州白豆蔻



白豆蔻味辛大溫無毒主積冷氣止吐逆反胃消穀下
氣出伽古羅國呼為多骨形如芭蕉葉似杜若長八九
尺冬夏不凋花淺黃色子作朶如葡萄其子初出微青

熟則變白七月採

附今

圖經曰

白豆蔻出伽古羅國今廣州宜州亦有之不及
蕃舶者佳苗類芭蕉葉似杜若長八九尺而光

滑冬夏不凋花淺黃色子作朶如葡萄生青熟白七月
採張文仲治胃氣冷噎食即欲得吐以白豆蔻子三枚
搗篩更研細好酒一盞微溫調之併飲三兩盞佳又有
治嘔吐白朮等大物湯亦用白豆蔻大抵主胃冷即宜
也服

地笋溫無毒利九竅通血脈排膿治血止鼻衄吐血產後心腹痛一切血病肥白人產婦可作蔬菜食甚佳即

澤蘭根也

新補出陳藏器及日華子

海帶催生治婦人及療風亦可作下水藥出東海水中石上比海藻更麗柔韌而長今登州人乾之以苴束器

物新

定

陀得花味甘溫無毒主一切風血浸酒服生西國胡人


將來胡人採此花以釀酒呼為三勒漿

附今

欽定四庫全書

卷九

潤州翦草



翦草涼無毒治惡瘡疥癬風瘙根名白藥

新分條見日華子

圖經曰

翦草生潤州味苦平有毒主諸瘡疥痂癰蝕及牛馬諸瘡二月三月採暴乾用

陳藏器

翦草味甚苦平無毒主虫瘡疥癬浸酒服之生山澤間葉如茗而細江東用之

治勞瘵

方云發台州皆有惟婺州者可用狀如蒿草又如細辛每用一斤淨洗為末入生蜜二斤和為膏

以器皿盛之不得犯鐵器九蒸九暴日一蒸暴病人五更起面東坐不得語令匙抄藥如粥服之每服四兩服已良久用稀粟米飲壓之藥冷服粥飲亦不可太熱或吐或下皆不妨如久病肺損咯血只二服愈尋常咳嗽血妄行每服一匙可也有一貴人忽一日病瘵其尊人嘗以此方治之九日而藥成前一夕病者夢人戒令翌日勿亂服藥次日將服之為屋上土墜器中不可服再合既成又將服之為籍覆器又不得食又再合未就而

夫人卒矣此藥之異如此若
小小血妄行一服而愈矣

一十種陳藏器餘

迷迭香味辛溫無毒主惡氣令人衣香燒之去鬼魏略
云出大秦國廣志云出西海

海藥云

味平不治疾燒之祛鬼氣合羌活為
丸散夜燒之辟蚊蚋此外別無用矣

故魚網主鯁以網覆鯁者頸差如煮汁飲之骨當下矣
故繖脚布無毒主天行勞復馬駿風黑汗洗汁飲帶垢
者佳江中採出蘆蘆令夫婦和同用之有法此江中出

波蘆也

虱建草味苦無毒去蟣虱授取汁沐頭盡死人有誤吞虱成病者搗絞汁服一小合亦主諸蟲瘡生山足濕地莖葉似山丹微赤高一二尺又有水竹葉如竹葉而短小生水中亦云去虱人取水竹葉生食

含生草主婦人難產口中含之立差亦咽其汁葉如卷栢而大生棘羯國其葉煮之不熱無毒

兔肝草味甘平無毒主金瘡止血生肉解丹石發熱初


生細軟似兔肝一名雞肝與紫萁同名

石芒味甘平無毒主人畜為虎狼等傷恐毒入肉者取莖
雜葛根濃煮服之亦取汁生高山如芒節短江西人呼
為折草六月七月生穗如狄也

蠶芮草味辛平無毒主蠶及諸蟲如蠶類咬人恐毒入
腹煮汁服之生搗傅瘡濕地如蓼大莖赤花白東土亦
有之

問荊味苦平無毒主結氣瘤痛上氣氣急煮服之生伊

洛間洲渚苗似木賊節節相接亦名接續草



證類本草卷九